



Svæðisskipulag Vestfjarða 2025 - 2050

DRÖG - Stöðumat – fylgirit

Júní 2025

Unnið fyrir:

Svæðisskipulagsnefnd Vestfjarða og
Fjórðungssamband Vestfirðinga

Unnið af:

VSÓ RÁÐGJÖF

Borgartúni 20, 105 Reykjavík
www.vso.is

urbana

Grandagarður 16, 101 Reykjavík
www.urbana.is



Efnisyfirlit

1	Inngangur	1
2	Framtíðarsýn og áskoranir	1
2.1	Staða	1
2.2	Framtíðarsýn	3
2.3	Áskoranir	4
3	Náttúra og auðlindir	5
3.1	Landslag og víðerni	5
3.2	Fjölbreytileiki í náttúru og vistkerfum	6
3.3	Verndarsvæði og þjóðgarðar	7
3.4	Vatn og vatnshlot	9
3.5	Loftslag, náttúruvá og úrgangsmál	10
3.6	Orkuöflun	15
4	Grunnkerfi – stoðir samfélagsins	17
4.1	Byggðamynstur	17
4.2	Samgöngur	20
4.3	Orkuflutningur og fjarskipti	24
5	Samfélagsauður	27
5.1	Samfélagsþróun og samstarf	27
5.2	Lýðheilsa	31
5.3	Þekking og menntun	33
6	Atvinnulíf og nýsköpun	34
6.1	Helstu atvinnugreinar	34
7	Menningarauður	38
7.1	Skapandi fólk og öflugt menningarlíf	39
7.2	Tónlist, leiklist og listsköpun	39
7.3	Safnastarfsemi	40
7.4	Viðburðir og hátíðir	41
7.5	Fjölmenning	42
7.6	Matarmenning	42



1 Inngangur

Við undirbúning og mótun tillögu að Svæðisskipulagi Vestfjarða 2025-2050 voru teknar saman forsendur og upplýsingar um stöðu og þróun Vestfjarða í þeim málaflokkum sem svæðisskipulagstillagan fjallar um. Jafnframt voru gerða ýmsar greiningar með hliðsjón af fyrirbyggjandi gögnum. Stöðumat þetta er fylgirit með svæðisskipulaginu og er ætlað að skýra forsendur stefnumótunar og markmiða sem sett eru fram í sjálfu svæðisskipulaginu.


2 Framtíðarsýn og áskoranir

2.1 Staða

Ef horft er til baka á þróun samfélaga á Vestfjörðum, þá hafði landshlutinn í lengi glímt við samdrátt í efnahagslífi og stöðuga fækkun íbúa, auk áfalla vegna náttúruhamfara. Fækkunin var mismikil eftir sveitarfélögum, 25 - 45 %, og aldurshlutföll í samfélaginu hnikuðust til þegar yngra fólk flutti burt. Sértek inngríp stjórnvalda hafa ekki skilað eins miklum árangri og væntingar stóðu til.

Á síðustu árum hefur hins vegar orðið viðsnúningur. Síðan 2017 hefur íbúum fjölgað um 6 prósent. Þetta eru viðbrigði, eftir að íbúum hafði fækkað nær óslitið síðustu þrjá áratugi og reyndar mestallan seinni helming 20. aldar. Á síðasta hagvaxtarskeiði á Íslandi fram til ársins 2008 fjölgaði landsmönnum ört en samt fækkaði Vestfirðingum. Nú síðustu ár ná Vestfirðir að fylgja sömu sveiflu og sama þróunarmynstri og landsmeðaltalið, þó vöxturinn sé nokkru minni. Vestfirðingum glæðist von við þessa fjölgun, sem öðru fremur má rekja til aukinnar atvinnuuppbyggingar, t.a.m. hátæknifyrirtækisins Kerecis, fiskeldis og ferðaþjónustunnar.

Þó fiskveiðar og -vinnsla séu enn burðarásar vestfirskis atvinnulífs, ásamt opinberum störfum, er hlutur fiskeldis ört vaxandi. Ferðaþjónusta er í vexti en ætla má að áhrif hennar séu sennilega meiri á fjölda starfa en á atvinnutekjur.



Tafla 1 Íbúaþróun Vestfjarða á fyrsta fjórðungi 21. aldar.

Vestfirðir hafa ótvírætt aðdráttarafl vegna nálægðar við náttúru og einstaks samfélags. Háhraðanettenging og fjarfundabúnaður gerir fólki kleift að sinna vinnu án þess að búa nærri vinnustaðnum. Að sama skapi eiga Vestfirðir, eins og aðrar jaðarbyggðir, enn í höggi við þunga undiröldu borgvæðingar sem ber fólk í átt að borgarsvæðum.




Lýðfræðileg áhætta á Vestfjörðum 2022	
Fæðingartíðni á 1000 íbúa	11,5
Dánartíðni á 1000 íbúa	9,5
Flutningsjöfnuður	162
0-14 ára	17,2%
15-24 ára	12,7%
25-54 ára	39,3%
55-64 ára	12,9%
65 ára og eldri	17,9%
Konur sem hlutfall af karlmönnum	92%
Konur sem hlutfall af karlmönnum – 15-64 ára	92,2%

Tafla 2. Lýðfræðileg áhætta á Vestfjörðum árið 2022. Grænir reitir gefa til kynna jákvæða mælikvarða en rauðir reiti þar sem gildið er túlkað sem lýðfræðileg áhætta. Mælikvarðarnir voru hannaðir af Nordregio árið 2019 og viðmiðunargildin miðuð við lýðfræðilega þróun á öllum Norðurlöndum. Heimild: útreikningar VSÓ úr gögnum Hagstofu Íslands.

Mælikvarðar NordRegio um lýðfræðilega áhættu gefa til kynna að Vestfirðir í heild séu enn ungt og þróttmikið samfélag sem á góðan möguleika á fólksfjölgun og vexti. Vísar sem sýna fæðingar- og dánartíðni, flutningsjöfnuð, aldurssamsetningu og kynjahalla eru jákvæðir, eða réttu megin striksins. En þó þróunin sé jákvæð, má litlu út af bregða.

Á Vestfjörðum eru nú átta sveitarfélög. Af þeim voru tvö með fleiri en 1.000 íbúa þann 1. janúar 2025.



Mynd 2-1 Sveitarfélög á Vestfjörðum 1. júní 2025.

Sveitarstjórnarlög kveða á um að lágmarksfjöldi íbúa hvers sveitarfélags sé ekki undir 1.000, til þess að auka getu þeirra til að sinna lögbundnum verkefnum og þar með sjálfbærni þeirra.

Eitt verkefnaviðmið stefnu í málefnum sveitarfélaga (2024-2038) kveður einnig á um aukna sjálfbærni, um að sveitarfélögin verði öflugri, sjálfbærari og ýti undir lýðræðislega virkni íbúa. Samkvæmt stefnunni á einnig að vinna að skilgreiningu á lágmarkspjónustu sveitarfélaga, samvinnu um hana og



samfellu auk þess að setja stefnuviðmið almennt um þróun á þjónustu sveitarfélaga.¹

Af sveitarstjórnarlögum og stefnuviðmiðum í stefnu í málefnum sveitarfélaga er ljóst að auknar kröfur um þjónustustig og getu sveitarfélaga til að sinna verkefnum setur ákveðinn þrýsting á sveitarfélög til aukinnar samvinnu og/eða sameininga með það að markmiði að bæta þjónustu við íbúa.

2.2 Framtíðarsýn


Framtíðarsýn - Vestfirðir árið 2050

Vestfirðir eru einstakt svæði til að njóta hreinnar náttúru og kyrrðar. Svæðið er fjölbreytt og framúrskarandi til búsetu, atvinnu og heimsóknna. Þar er öflugt, vaxandi alþjóðlegt þekkingarsamfélag sem einkennist af kraftmikilli sköpun, sterkri sjálfsmynd og umhverfisvitund. Á Vestfjörðum eru góðir innviðir, öflug þjónusta, fjölbreytt atvinnulíf og blómstrandi menning. Fjórðungurinn einkennist af samheldnum samfélögum sem byggja á virðingu fyrir fólki, umhverfi og auðlindum.

Svæðisskipulagsvinnan miðar við að íbúum Vestfjarða fjölgi áfram eins og verið hefur síðustu ár og að árið 2050 geti fjöldi íbúa verið um 10.000. Slík þróun getur raungerst ef störfum fjölgar áfram í fjórðungnum og nægt húsnæði er fyrir nýja íbúa.

Þegar horft er til mannfjöldapróunar á Vestfjörðum sem fylgir mannfjöldaspá Hagstofunnar, má búast við að Vestfirðingum fjölgi jafnt yfir tímabilið.

Fjölgunin verði hraðari á fyrrihluta tímabilsins, í kringum 120 íbúar á ári fyrsta áratuginn, en þá hægir á fjölguninni og gerir spáin ráð fyrir að vöxturinn verði í kringum 80 íbúar síðustu fimm ár tímabilsins.



Mynd 2-2 Mannfjöldaspá fyrir Vestfirði til ársins 2050. Miðað er við að vöxtur mannfjöldans fylgi landsmeðali í spá Hagstofunnar frá 2023.


Verði íbúar 10.000 er það 40% fjölgun en hún dreifist ólíkt eftir aldurshópum. Vegna breytinga sem eru að verða í þjóðfélaginu öllu fjölgar hinum eldri nú hraðar en hinum yngri.

Gera má ráð fyrir að fjöldi íbúa yfir 80 ára aldri muni tvöfaldast frá því sem nú er en börnum og ungmennum ekki fjölga nema um 17%. Gengið er út frá því

¹ [Stefna í málefnum sveitarfélaga 2024-2038](#), samþykkt á Alþingi 5. desember 2023 (Stjórnarráð Íslands)



að fólksfjölgunin verði drifin áfram af aðflutningi vinnandi fólks, að mestu leyti á aldrinum 20-40 ára.



Mynd 2-3 Íbúafjöldi eftir aldursflokkum í dag og mat á mögulegri aldursskiptingu árið 2050. Tölur fyrir 2024 eru frá Hagstofu Íslands en mat fyrir 2050 er unnið af VSÓ Ráðgjöf og Urbana.

2.3 Áskoranir

Til þess að af því megi verða þurfa Vestfirðingar að sigrast á eftirfarandi áskorunum:

- Byggja þarf íbúðar- og atvinnuhúsnæði. Við marga þéttbýliskjarna er byggingarhæft undirlendi takmörkuð auðlind. Nýir íbúar þurfa að hafa aðgengi að húsnæði eftir þörfum, oft minna húsnæði án

langtímaskuldbindinga til að byrja með. Kynslóðaskipti í sérbylí kallar einnig á minna húsnæði með góðu aðgengi. Því þarf aukinn fjölbreytileika í íbúðarhúsnæði.

- Innviðir þurfa að fullnægja þörfum íbúa og atvinnulífs, hvort heldur sem um er að ræða vegi og vetrarþjónustu, rafmagn eða fjarskipti.²
- Að yfirstíga samkeppnistakmarkanir atvinnulífsins, s.s. samgöngur, uppbyggingu íbúðarhúsnæðis og örugga orkuafhendingu.
- Vöxtur atvinnugreina þarf að tryggja að Vestfirðir haldi samhliða aðdráttarafli sínu óskertu: upplifun af óspilltri náttúru, kyrrð og ró.
- Grunnþjónusta þarf að vaxa í takt við íbúafjölda. Börnum mun fjölga nokkuð á ný, á sama tíma og eldra fólki mun fjölga. Samstarf um sérhæfða þjónustu verður sífellt mikilvægara.
- Beina þarf aukinni athygli á geðheilbrigði íbúa til að mæta vísbendingum um aukna einsemd og dvínandi hamingju.
- Til að varðveita samheldið samfélag á Vestfjörðum þarf að huga vel að inngildingu nýrra íbúa, taka þeim opnum örmum og aðstoða þá við að komast inn í samfélagið.
- Leggja þarf rækt við menningarlíf og samverustaði, þar sem íbúar hittast og rækta sín bönd og gestir njóta upplifunar og þjónustu.
- Vestfirðingar þurfa áfram að byggja sína sjálfsmynd og ímynd sem landshluti sóknar og tækifæra.
- Auknar kröfur um hækkað þjónustustig setur ákveðinn þrýsting á sveitarfélög til aukinnar samvinnu og/eða sameininga með það að

² <https://www.vestfirdir.is/is/verkefni/byggdathroun/innviðir>



markmiði að auka getu til að sinna vaxandi verkefnum og bæta þjónustu við íbúa.

- Vestfirðingar þurfa að búa sig undir breytt loftslag með tíðari veðuröfgum s.s. ofsafenginni úrkomu, snjóflóðum og aurskriðum, langvarandi þurrkum, hærri sjávarstöðu og auknum áhlaðanda með tilheyrandi sjávarflóðum. Uppbygging og innviðir þurfa að taka mið af þessu. Breytt loftslag getur einnig haft áhrif á náttúruauðlindir.

3 Náttúra og auðlindir

3.1 Landslag og víðerni


Vestfirðir einkennast af djúpum jökulsorfnum fjörðum, háum og bröttum fjöllum með flötu hálendi, gróðursælum dalbotnum og litlu undirlendi. Vestfirðir eru einstakir á landsvísu þar sem firðir og fjarðaheiðar eru einkennandi landslagsgerð. Á Vestfjörðum er tæpur helmingur svæða á landsvísu sem telst til þeirrar landslagsgerðar. Ásamt Austfjörðum eru Vestfirðir jarðfræðilega elsti hluti landsins, með tilheyrandi jarðlagastöflum og berggöngum þvert á þá stafla. Jökulsorfnum fjörðum og dölum ásamt skálum í fjöllum. Vestfirðir ná þó yfir töluvert stærra svæði með margfalt fleiri firði og fjallgarðana flata sem mynda fjarðahásléttur. Fossar og fossaraðir í dalbotnum einkenna firðina og þá yfirleitt bergvatnsfossar (Dynjandi) en í kringum Drangajökul er að finna jökulár og land mótað af þeim. Vestfirðir búa yfir mörgum af stærstu og fallegustu hvítasandsfjörum landsins, s.s. Rauðasandi og Holtsfjöru.

Á Breiðafirði eru strandsvæði ríkjandi landslagsgerð og landslagsflokkurinn eyjar, drangar og sker. Breiðafjörðurinn með sinn fjölda eyja, hólma og skerja er lang stærsta og veigamesta svæðið innan þessa landslagsflokks.

Skýringar

Landslagsflokkar

- 1.1 Hájökla
- 6.1 Þröngir jökulsornir firðir, fjallendi og inndalir
- 6.3 Breiðir firðir milli hárra fjalla
- 6.4 Innfirðir með lágheiðum
- 6.5 Fjarðarhásléttur
- 7.6 Eyjar, drangar og sker



Mynd 3-1 Landsflokkar Vestfjarða sbr. Flokkun og kortlagningu Eflu og LUC (2020) á landinu öllu. Flokkar 6.1-6.5 tilheyra landslagsgerðinni Firðir og fjarðarheiðar en tæpur helmingur þeirrar landslagsgerðar er á Vestfjörðum.

Almennt má segja að Vestfirðir einkennist af vel grónu landi milli fjalls og fjöru, en þegar komið er á hásléttarnar (t.d. Glámuhálendið, Reiphólsfjöll og hálendið sunnan Drangajökuls) er um eyðimerkurgrjót og mela að ræða auk fjölda vatna og tjarna. Gróðursæld hefur aukist með minnkandi beit og hlýnandi veðurfari.


Víðerni eru náttúrugæði sem hafa sérstöðu og víðtækt verndargildi. Huga þarf að víðernum við framkvæmdir á lítt eða öröskuðum svæðum. Samkvæmt



lögum um náttúruvernd nr. 60/2013 teljast óbyggð víðerni til flokka friðlýstra svæða en til víðerna teljast: „svæði í óbyggðum sem er að jafnaði a.m.k. 25 km² að stærð eða þannig að hægt sé að njóta þar einveru og náttúrunnar án truflunar af mannvirkjum eða umferð vélknúinna farartækja og að jafnaði í a.m.k. 5 km fjarlægð frá mannvirkjum og öðrum tæknilegum ummerkjum, svo sem raflinum, orkuverum, miðlunarlónum og uppbyggðum vegum.“

Ekki hafa verið sett fram skýr viðmið um mörkun víðerna eins og náttúruverndarlög heimila. Það liggur því ekki með óbyggjandi hætti fyrir hversu víðfeðm óbyggð víðerni Vestfjarða eru. Víðernin voru kortlögð gróflega árið 2009 og þá með stífri túlkun um stærð og vegalengdir frá mannvirkjum. Nýleg kortlagning þar sem beitt er víðfemari aðferðafræði sem tekur tillit til sjónrænnar upplifunar, dregur upp aðra mynd af víðernum Vestfjarða.³ Þrátt fyrir að Vestfirðir séu ekki aðilar að miðhálendinu er hlutfall víðerna óvenjuhátt sem skýrist aðallega af landslagseinkennum, strjálbýli og litlu raski innan Vestfjarða. Umfangsmestu víðernin eru annarsvegar á Glámuhálendinu og hinsvegar Drangajökull og nærsvæði hans frá Steingrímsfjarðarheiði alveg norður á Hornstrandir.

Tæplega 90% landssvæðis Vestfjarða telst til víðerna eða umbreytingasvæða þeirra og er það hlutfall hvergi hærra. Fyrirliggjandi virkjanaáform munu skerða víðerni Vestfjarða eitthvað en engu að síður verða umtalsverð svæði eftir víða á Vestfjörðum sem huga þarf að m.t.t. verndunar.



Mynd 3-2 Víðerni á Vestfjörðum. Blár litur táknar kjarnasvæði, grænt hjúpsvæði (e. buffer zone) og drapplitað umskiptisvæði. Útlínur víðerna eldri kortlagningar eru sýndar til samanburðar.

3.2 Fjölbreytileiki í náttúru og vistkerfum

Þegar kemur að fugla- og dýralífi er sérstaða Vestfjarða mikil. Hvergi annars staðar á landinu er að finna jafn margar sjófuglabyggðir, þar á meðal þá stærstu í Evrópu, Látrabjarg. Einnig eru fjörur og grunnsævi Breiðafjarðar

³ <https://www.vidernakort.is/>



viðáttumestu mikilvægu fuglasvæði landsins og er þar helsta búsvæði hafarnarins. Landselur er mjög algeng sjón í fjörum víða á Vestfjörðum og einnig sést iðulega til hvala á innfjörðum. Hornstrandafriðlandið er þekkt fyrir fjölda gæfra refa sem er stór hluti af aðdráttaraflí þeirra. Ótalin eru mörg af stærstu æðarvörpum landsins, t.d. í Æðey og Vigur. Almennt má segja að vegna nálægðar við gríðarmikla frumframleiðslu í sjó og á strandsvæðum, iði allt af lífi á Vestfjörðum.

Sjófuglabyggðirnar eru sérkenni Vestfjarða. Alls má telja 28 sjófuglabyggðir á Vestfjörðum sem eru alþjóðlega mikilvæg fuglasvæði, rúm 40% af öllum slíkum svæðum á Íslandi. Sé strandlína landshlutans sigld frá Breiðafirði að Geirólfsnúpi má heita að á hverju annesi sé fuglasvæði sem telst alþjóðlega mikilvægt. Þarna verpa margar tegundir sem Ísland ber sérstaka ábyrgð á, vegna þess að stór hluti stofnsins á heimsvísu á hér athvarf. Sumar gætu jafnvel talist ábyrgðartegundir Vestfjarða, til dæmis langvía og stuttnefja.

Hásléttur Vestfjarða eru gróðurýrar en í hlíðum og á láglandi eru víða vistgerðir með hátt eða mjög hátt verndargildi. Margar þeirra eru á lista Bernarsamningsins yfir vistgerðir sem þarfnast verndar vegna þess hversu sjaldgæfar þær eru eða hversu hratt þær hverfa á alþjóðavísu. Til einföldunar má segja að flestar vistgerðir með hæsta verndargildið megi finna í votlendi, leirum og í mjög grunnum sjó. Ef ætti að tala um ábyrgðarvistgerðir Vestfjarða, mætti helst líta til leira og grunnsævis. Hvergi á Íslandi er meira af klóþangsklungum en í norðaustanverðum Breiðafirðinum. Bólþangs- og klóþangsfjörur eru víða um Vestfirði og hafa mjög hátt verndargildi. Hið sama gildir um kræklinga- og skeralleirur, hinar fyrrnefndu á stöku stað innanlega í norðurfjörðunum en hinar síðarnefndu einkum í Patreksfirði, á Barðaströnd og Rauðasandi. Af votlendisvistgerðum með mjög hátt verndargildi er starungsmýravist að finna víða á Vestfjörðum. Brokflóavist og tjarnarstaraflóavist er algengari á Ströndum og Reykhólahreppi en

gulstararflóavist er algengari á suður- og norðurfjörðum. Gulstararfitjavist er fágæt á landsvísu en finnst á nokkrum forblautum fitjasvæðum við sjávarlón eða árósa til dæmis í Önundarfirði, Kaldalóni og Borgarey í Djúpi.

Náttúrulegir birkiskógar og -kjarr hafa víða sprottið upp, til dæmis við Breiðafjörð. Birkiskógarnir njóta sérstakrar verndar í lögum um náttúruvernd, til jafns við votlendi og leirur, vötn og tjarnir. Síðustu áratugi hefur verulega dregið úr beitarálagi á Vestfjörðum og þar eru því víða möguleikar til að vernda náttúrulega birkiskóga líkt og Ísland hefur skuldbundið sig til að gera.

Ein helsta hættan sem steðjar að líffræðilegum fjölbreytileika á heimsvísu er hversu önnur landnotkun þrengir að og rænir tegundir búsvæðum. Sérstaklega er þörf á að varðveita þær vistgerðir sem hafa hátt og mjög hátt verndargildi. Þau svæði eru því sérstaklega viðkvæm fyrir breytingum á landnotkun.

3.3 Verndarsvæði og þjóðgarðar

Innan Vestfjarða eru 9 svæði sem hafa verið friðlýst. Einnig eru 16 svæði sem metin hafa verið sem mikilvægar náttúruminjar sem Náttúrminjastofnun telur ástæðu til að friðalýsa.


Vestfirðir eru eini landshluti Íslands án þjóðgarðs. Gerðar hafa verið tilraunir til að stofna þjóðgarð en engin þeirra hefur hingað til náð fram að ganga. Þjóðgarðshugmynd á Látrabjargi strandaði á ósamkomulagi milli landeigenda. Sú vinna leiddi til friðlands á ríkislandi sem er annað og minna að umfangi en þjóðgarður. Einnig hófst vinna að tillögu að Dynjandisþjóðgarði árið 2020 þar sem til stóð að sameina Vatnsfjarðarfriðland, náttúruvættið við Dynjanda og



Í nýlegri skýrslu Vestfjarðarstofu, *Þjóðgarðar á Vestfjörðum*, eru skoðaðir möguleikar sem felast í að stofna þjóðgarð á Vestfjörðum og lagt mat á hvaða landssvæði væru hentug til að stofna þjóðgarð eða setja á aðra verndun sem ýtir undir jákvæða byggðapróun.⁵

Uppbygging þjóðgarða á Íslandi er að stofni til fjármögnuð af ríkinu. Þjóðgarðar geta einnig haft sértekjur sem nýtast í rekstur og uppbyggingu. Með stofnun þjóðgarða fylgir uppbygging innviða til ferðamennsku og útivistar. Þjóðgarðar hafa fasta starfsemi sem m.a. stendur undir rekstri og viðhaldi innviða. Hagræn áhrif þjóðgarða eru mikil en í skýrslu Hagfræðistofnunnar frá 2018 kemur m.a fram að hver króna sem ríkið ver til uppbyggingu þjóðgarða skili sér þrettán sinnum til baka í einhverju formi skatttekna. Stofnun þjóðgarða á Íslandi getur leitt til mikillar fjölgunar ferðamanna og uppbyggingar ferðapjónustu á nærsvæðum þeirra.⁶ Þjóðgarðar hafa aðdráttarafl fyrir ferðamenn og ferðapjónusta á Vestfjörðum hefur fundið fyrir því að þar er engin þjóðgarður.

Í skýrslunni, *Þjóðgarðar á Vestfjörðum* er lagt mat á 6 ólík svæði til stofnunar þjóðgarðs. Dynjandissvæðið, Látrabjarg, Drangajökulspjóðgarður, Árneshreppur með landslagsvernd, Vigur og Breiðafjörður. Í niðurstöðum skýrslunnar kemur fram að Dynjandisþjóðgarður sé augljósasti kostur Vestfirðinga til stofnunar þjóðgarðs, sérstaklega hvað varðar stærð, náttúrulega- og menningarlega sérstöðu, fjölda ferðamanna og styrkingu byggðar við Dýrafjörð og í Vesturbyggð. Hann er einnig sá kostur sem lang fljótlegast væri að koma í verk, þar sem undirbúningur að stofnun var að mestu leyti lokið árið 2021. Jafnframt er dregið fram að




⁴ <https://ust.is/nattura/fridlysingar/fridlysingar-i-bid/thjodgardur-a-vestfjordum/>
⁵ <https://www.vestfiridir.is/static/files/Umhverfismal/thjodgardar-a-vestfjordum.pdf>

⁶ Hagfræðistofnun Háskóla Íslands. (2018). Skýrsla nr. C18:08 Áhrif friðlýstra svæða á framleiðslu og atvinnu í næsta umhverfi desember 2018



„Drangajökulspjóðgarður“ geti verið áhugaverður kostur með stækkun á núverandi friðlandi. Slík stækkun færi fram á landi í eigu ríkis og einkaaðila í kringum jökulinn. Mikil óvissa er um hvort samkomulag milli ríkis og einkaaðila næði fram að ganga eins og aðrar sambærilegar tilraunir hafa sýnt fram á.



Mynd 3-4 Tillaga er um að stofna Dynjandisþjóðgarð sem næði yfir friðlýstu svæðin, Surtarbrandargil, Vatnsfjörð, Hærri öx og Dynandi auk jarðarinnar Hrafnseyri við Arnarfjörð.

3.4 Vatn og vatnshlot

Almennt má áætla að vatnshlot á Vestfjörðum hafi lengi verið undir minna álagi en víða annars staðar á landinu, vegna fámennis og strjálbýlis. Þó er full ástæða til að fylgjast vel með strandsjávarhlotum þar sem lagareldi eða önnur iðnaðarstarfsemi fer fram og skólp fer óhreinsað í viðtaka.

Opinberar áætlanir skulu vera í samræmi við lög um stjórn vatnamála nr. 36/2011 og þá stefnumörkun um vatnsvernd í vatnaáætlun Íslands 2022-2027 að allt vatn skuli vera í góðu eða mjög góðu ástandi. Í vatnaáætlun kemur fram að ekkert vatnshlot á Vestfjörðum hafi í álagsgreiningu verið metið í hættu á að ná ekki umhverfismarkmiði um gott ástand. Eitt vatnshlot á Vestfjörðum er flokkað í óvissu hvað þetta varðar. Það er strandsjávarhlotið Skutulsfjörður innri (101-1282-C) og er það í vöktunaráætlun vatnaáætlunar. Samkvæmt vatnaáætlun og vatnavefsja eru helstu álagsþættir á það losun óhreinsaðs skólps frá Ísafirði, í Pollinn, hafnarstarfsemi, skipaumferð og flugvallarstarfsemi.⁷ Stærsta útrás skólps hefur verið færð úr Pollinum og út í Skutulsfjörð ytri. Staðfest hefur verið að Skutulsfjörður innri sé ekki í hættu vegna efnafræðilegs álags en óvissa ríkir um vistfræðilegt ástand vatnshlotsins.


Líkt og víða á Íslandi eru vatnshlot á landi á Vestfjörðum að litlu leyti sameiginleg milli sveitarfélaga. Straumvatnshlot og árósarvatnshlot eiga langflest upptök sín innan sama sveitarfélags og stöðuvatnshlot ná einungis í undantekningartilfellum yfir sveitarfélagamörk. Ekki þykir ástæða til að marka stefnu á svæðisstigi sem á við vatnshlot sem eru alfarið á hendi eins sveitarfélags.

⁷ <https://vatnavefsja.vedur.is/>



Flest strandsjávarhlotin og grunnvatnshlotin eru sameiginleg milli sveitarfélaga. Þau eru ekki metin í hættu eða óvissu á að ná ekki umhverfismarkmiði sínu um gott ástand. Tvö strandsjávarhlot, sem ná yfir fleiri en eitt sveitarfélag, eru þó í vöktunaráætlun vegna þekkts álags á Vestfjörðum skv. vatnavefsja. Þau eru Horn að Hvanndöllum (101-1338-C), vegna sörpurðunar í landi Skeljavíkur (Hólmavík) og Ísafjarðadjúp (101-1390-C) vegna óhreinsaðs skólp frá Bolungarvík og frá Hnífsdal og landeldis við Nauteyri. Ekkert grunnvatnshlot á Vestfjörðum er í vöktunaráætlun vatnaáætlunar en tvö þeirra, sem ná yfir fleiri en eitt sveitarfélag, eru þó skráð með þekkt álag í vatnavefsja. Þau eru Mið-Vesturland og Strandir (101-307-G), vegna sörpurðunar í landi Skeljavíkur og Vestfirðir (101-274-G) vegna sörpurðunar í Vatnseyrarhlíðum (Patreksfirði).

Önnur vatnshlot eru ekki undir álagi. Sú staða getur hins vegar komið upp í framtíðinni, sér í lagi ef loftslagsbreytingar, langt aðborin loftmengun eða staðbundin mengun ógna þessum sameiginlegu vatnshlotum. Komi sú staða upp að ástæða sé til að fylgjast með eða grípa til aðgerða vegna sameiginlegra vatnshlota, skal ræða það á svæðisstigi.





Loftslagsbreytingarnar hafa einnig samfélagslegar breytingar í för með sér, til dæmis í regluverki og breyttri samkeppnisstöðu.

Loftslagsbreytingar kalla á tvíþætt viðbrögð. Annars vegar er nauðsynlegt að draga úr losun gróðurhúsalofttegunda eins hratt og unnt er. Hins vegar þarf allt líf á jörðu, þar með talið mannfólkið, að laga sig að breyttu loftslagi, lífsskilyrðum og samfélagsgerð. Í landshluta þar sem sjávarútvegur og lagareldi eru ríkjandi er mikilvægt að atvinnulífið búi sig undir breytingar á fiskigengd og lífríki, aukinni hættu á ofsaveðri og öfgum í veðráttu og öðrum afleiðingum loftslagsbreytinga. Aukinn veðurofsi kallar enn fremur á aukna árvekni hvað varðar slysavarnir sjómanna. Samfélagið allt þarf að búa sig undir breytt regluverk og samkeppnisstöðu.

Til þess að hægt sé að forgangsraða þeim aðgerðum sem skila mestum árangri miðað við kostnað, þarf að vita hvaða losunarflokkar eru stærstir á Vestfjörðum. Út frá því má ræða hvaða aðgerðir skila mestum loftlagsávinningi fyrir hverja krónu. Talsverður munur er á kolefnisspori milli landshluta.

Í maí 2025 kom út skýrslan *Kolefnisspor Vestfjarða 2023*.⁸ Þar kemur fram að rekja megi um 72,6% af allri losun gróðurhúsalofttegunda á Vestfjörðum 2023 til landnotkunar. Þar liggja að sama skapi langstærstu tækifærin til að draga úr losun. Að landnotkun frátalinni er olíunotkun fiskiskipa sá þáttur sem vegur þyngst, en rekja má um 9,5% af heildarlosuninni til þessa þáttar. Þar á eftir koma vegasamgöngur (6,5%), búfjárhald (5,1%), notkun kælimiðla (1,3%), sjóflutningar (1,2%) og urðun úrgangs (1,1%). Aðrir þættir standa fyrir um 1% af heildarlosuninni og þaðan af minna. Í niðurstöðum skýrslunnar er bent á

fjóra þætti þar sem sveitarstjórnir og almenningur geta náð skjótustum árangri til að draga úr nettólosun gróðurhúsalofttegunda á Vestfjörðum:

1. Endurheimt votlendis (einkum óræktaðs lands)
2. Endalok urðunar
3. Rafvæðing hafna
4. Loftslagsvænni vegasamgöngur

Allir þessir þættir eru þess eðlis að þeir kalla á samstarf fleiri aðila enda viðfangsefnin flest stærri en svo að þau séu á færi einnar sveitarstjórnar, eins fyrirtækis eða eins einstaklings.

Sveitarfélögum ber skylda til að draga úr losun frá eigin rekstri en einnig geta sveitarfélögin lagt sitt af mörkum til þess að draga úr losun samfélagsins alls. Samstarf og skipulagsákvæði um endurheimt votlendis geta skilað drjúgum loftlagsávinningi. Einnig geta sveitarfélögin greitt götu orkuskiptaverkefna og þannig skilað loftlagsávinningi.

Náttúruvá

Ísland býr við margvíslega náttúruvá sem hefur í gegnum tíðina valdið miklu mann- og eignatjóni. Ofanflóð ásamt ofsaveðri er sú náttúruvá sem hefur valdið mestu tjóni og mannskaða á Íslandi. Vestfirðingar hafa ekki farið varhluta af því að búa við náttúruvá. Mannskaði hefur öldum saman orðið í ofsaveðrum á sjó sem á landi og snjóflóð hafa heimt of mörg mannlíf.

⁸ [Kolefnisspor Vestfjarða 2023](#). Stefán Gíslason & Birna Sigrún Hallsdóttir. Umhverfisráðgjöf Íslands ehf.



Snjóflóðin í Súðavík og á Flateyri árið 1995 gerbreyttu afstöðu Íslendinga til snjóflóðahættu og að snjóflóðahætta í sumum þéttbýliskjörnum á landinu væri langt umfram það sem hægt væri að sætta sig við. Hættumat er grundvöllur aðgerða til þess að draga úr hættu af völdum ofanflóða og hefur ofanflóðahættumat verið unnið fyrir helstu þéttbýlisstaði landsins sem búa við ofanflóðahættu. Á Vestfjörðum hefur ofanflóðahættumat verið unnið fyrir Drangsnæs, Súðavík, Ísafjörð, Bolungarvík, Suðureyri, Flateyri, Þingeyri, Bíldudal, Tálknafjörð og Patreksfjörð. Varnargarðar hafa verið byggðir, eru í byggingu eða eru áformaðir á flestum þessara staða. Skýrslur, kort og aðrar upplýsingar um ofanflóðahættumat þéttbýlisstaðanna eru aðgengileg á vefsvæði ofanflóða á vef Veðurstofu Íslands;

<https://vedur.is/ofanflod/haettumat/>


Lofslagsbreytingar geta aukið hættu á að sumar tegundir náttúruvár eigi sér stað, s.s. áhrif á hækkun sjávarborðs, úrkomuákefð, óveðratíðni, tíðni eldgosa, bráðnun sífrera í fjallendi, auknir þurrkar og gróðureldar, land- og farvegsbreytingar og svo mætti lengi telja. Vestfirðingar hafa orðið fyrir beinum áhrifum af breytingunum, þar sem krapaflóð og aurskriður í kjölfar aukinnar úrkomuákefðar eru tíðari, sem og vatnsflóð með auknu álagi á fráveitukerfi, vegakerfi og mannvirki.

Bráðnun sífrera getur gert fjallshlíðar tímabundið óstöðugar og aukið hættu á skriðuföllum. Útbreiðsla sífrera á Íslandi er illa þekkt og þörf er á kortlagningu á útbreiðslu sífrera í fjalllendi til að hægt sé að leggja mat á hættu á skriðuföllum af völdum bráðnunar. Aukin náttúruvá vegna mikillar úrkomu og skriðufalla kalla á áhættuminnkandi aðgerðir. Þær geta falið í sér frekari


uppbyggingu ofanflóðamannvirkja en einnig aukið eftirlit með hlíðum fjalla þar sem hættu er á skriðuföllum.

Sjávarstaða fer hækkandi á heimsvísu og því er mikilvægt að huga að óveðursflóðum og ágangi sjávar við skipulag á byggð og innviðum. Í fátíðri getur áhlaðandi valdið því að öldur ná lengra inn á land en ella. Veðurstofan hefur opnað [Loftslagsatlas Íslands](#) sem birtir myndrænt á kortavefsjá upplýsingar um áhrif loftslagsbreytinga á hitafer, úrkomu og sjávarflóð á Íslandi til loka aldarinnar miðað við mismunandi sviðsmyndir um hnattræna losun.⁹ Þar má sjá að innan nokkurra þéttbýliskjarna á Vestfjörðum, þ.á.m. Ísafirði, Suðureyri og Flateyri, eru lágsvæði útsett fyrir sjávarflóðum og útbreiðsla sjávarflóða líklegar til að aukast á öldinni. Aðferðafræðin sem notuð er við gerð líkansins er vel til þess fallin að finna þau svæði sem mest eru útsett fyrir sjávarflóðum, en hún hefur þó vissa annmarka sem mikilvægt er að hafa í huga. Í líkaninu er ekki gerður sérstakur útreikningur á skriðþunga sjávar þegar hann flæðir inn á land eða viðnámi lands gegn því flæði. Þannig gefa niðurstöðurnar góða yfirsýn yfir þau svæði sem eru almennt í mestri hættu, en ekki nákvæma mynd af raunverulegum aðstæðum í einstökum flóðatburðum. Þrátt fyrir það tekst líkaninu víða vel að endurspegla veðurflóð.


⁹ <https://gottvedur.is/loftslagsbreytingar/>



Mynd 3-6 Úr kortasjá Loftslagsatlas Veðurstofunnar <https://gottvedur.is/loftslagsbreytingar/>.



Mynd 3-7 Úr kortasjá Loftslagsatlas Veðurstofunnar <https://gottvedur.is/loftslagsbreytingar/>.



Hnattræn hlýnun kann að draga úr útbreiðslu hafíss með þeim afleiðingum að vindhraði aukist í norðan- og norðvestanáttum og þar með vindstyrkur í norðanstæðum óveðrum. Landslag hefur mikil áhrif á tíðni meginvindátta. Aukinn lægðagangur og óveður hafa áhrif á rekstraröryggi raforkukerfis, lagnakerfa og fleiri innviða.

Helstu áhrifapættir á fráveitukerfi eru frost í jörðu, leysingar vegna snjóbráðar, há sjávarstaða og mikil úrkoma eða úrkomubreytingar. Áhættuminnkandi aðgerðir vegna ofanvatnskerfis eru að aðgreina ofanvatn og skólp í tvöföldu kerfi, ásamt því að setja einstefnuloka á lagnir svo sjór flæði ekki í kerfið. Greitt aðgengi vatns að niðurföllum er lykilatriði þess að vatn safnist ekki saman á götum og flæði inn í hús.

Hlýnandi veðurfar getur einnig haft lengri þurrkatímabil í för með sér, með aukinni hættu á gróðureldum. Áhættuminnkandi aðgerðir vegna gróðurelda eru m.a. vel ígrundaðar skipulagsákvæðanir þegar kemur að endurheimt votlendis og skógrækt. Skurðir og vegslóðar geta heft útbreiðslu gróðurelda og því er rétt að skipuleggja endurheimt votlendis með eldvarnarlínur í huga.

Mynd 3-8 Úr kortasjá Loftslagsatlas Veðurstofunnar <https://gottvedur.is/loftslagsbreytingar/>.



Hringrásarhagkerfið

Svæðisáætlun um meðhöndlun úrgangs á Vestfjörðum 2024-2035 var gefinn út árið 2024 og samþykkt í öllum sveitarfélögum fjórðungsins.¹⁰ Í öllum sveitarfélögum er sorpi safnað við heimili, en fyrirkomulag tunnukerfa og flokkunar er afar fjölbreytilegt og endurspeglar misjöfn innviða- og þjónustustig milli sveitarfélaganna. Með svæðisáætluninni fylgja 22 skilgreindar aðgerðir sem ætlað er að styðja við sameiginlega stefnu sveitarfélaganna um úrgangsmál. Aðgerðirnar taka til margvíslegra þátta, allt frá samræmingu flokkunarkerfa og uppbyggingu innviða til nýsköpunar og aukinnar fræðslu. Sumar þeirra áttu að taka gildi þegar árið 2024, en framkvæmdatímabil áætlunarinnar nær fram til ársins 2027, með reglubundinni vöktun og endurskoðun til að tryggja framgang og aðlögun að breyttum aðstæðum.

Í öllum þéttbýliskjörnum sveitarfélaganna, að undanskilinni Strandabyggð, Kaldrananeshreppi og Árneshreppi, er lífúrgangi og pappírs- og plastumbúðum safnað sérstaklega. Í Reykhólahreppi er pappír og plasti safnað í sameiginlega tunnu sem síðan er flokkað á söfnunarstað. Í dreifbýli Vesturbyggðar er ekki sérstök söfnun lífúrgangs. Í Súðavíkurbæ er lífúrgangur, pappírs- og plastumbúðir ekki flokkað.

Grenndarstöðvar fyrir alla helstu endurvinnsluflokka eru til staðar í Vesturbyggð, Ísafjarðarbæ, Strandabyggð, Kaldrananeshreppi og Árneshreppi. Í Reykhólahreppi er eingöngu blönduðum úrgangi safnað í grenndarstöðvar. Slíkar grenndarstöðvar fyrir blandaðan úrgang er einnig að finna í

Strandabyggð, Kaldrananeshreppi og Árneshreppi. Söfnunarstöðvar fyrir mismunandi úrgangsflokka er að finna í öllum sveitarfélögum nema Kaldrananeshreppi og Árneshreppi.

Urðunarstaðir á Vestfjörðum eru nokkrir en auk þeirra nýta nokkur sveitafélög urðunarstaðinn að Fíflholtum á Mýrum. Í Dagverðardal er lífrænum úrgangi frá Vesturbyggð og Ísafjarðardjúpi komið fyrir í námu í ferli sem uppfyllir ekki núgildandi lagaskilyrði um endurvinnslu. Lífúrgangi frá Reykhólahreppi er komið til GAJU í jarðgerð.

3.6 Orkuöflun

Vatnsaflsvirkjanir

Orkunotkun á Vestfjörðum nam á árinu 2023 um 270 GWST en framleiðsla vatnsaflsvirkjana nam 115 GWST. Orkuframleiðsla vatnsaflsvirkjana á Vestfjörðum fer hæst í 23 MW en getur farið niður í 11 MW að vetri til. Aflþörf svæðisins er um 26 MW en getur farið í allt að 46 MW að vetri. Mismun er mætt með flutningi raforku til Vestfjarða en rofni sá flutningur er til staðar varaafli upp á 30 MW sem allt er knúið jarðefnaeldsneyti. Þannig er uppsett afl á Vestfjörðum 53 MW. Staðan í flutningi raforku er því almennt sú að flytja þarf orku til Vestfjarða á bilinu 21 – 33 MW eftir árstíma.

¹⁰ <https://www.vestfiridir.is/static/research/files/svaedisaaetlun-vestfiridir-2024-2035-lokautgafa.pdf>



Sá orkukostur sem kominn er lengst í undirbúningi og er í nýtingarflokki rammaáætlunar er Hvalárvirkjun. Reiknað er með að hún hafi uppsett afl upp á 55 MW og framleiði um 320 GWst á ári. Fyrirhugað er að framkvæmdum við virkjun og tengingu við flutningskerfið verði lokið um eða upp úr 2030. Þessar framkvæmdir munu fullnægja þeirri orkuþörf sem Vestfirðir hafa í dag en sé litið til framreiknaðrar orkuþarfar getur enn orðið skortur á endurnýjanlegri orku á Vestfjörðum þó þessi orka bætist við.


Orkuspa fyrir Vestfirði til ársins 2030 telur að orkuþörf muni allt að því tvöfaldist (a.m.k. 80%) miðað við vaxandi umsvif atvinnulífs og fjölgun íbúa. Matið á orkuþörf landshlutans er á bilinu 500 til 640 GWst og til þess þarf meðalafl orkuframleiðslu að vera 64 til 79 MW. Orkuspa til ársins 2040 er metin að verði að lágmarki 640 GWst og til þess þarf meðalafl að vera eigi minna en 79 MW. Því er fyrir séð að árið 2030 verði orkuþörfin komin yfir þolmörk flutningskerfisins sem er um 50 MW. Þess heldur þarf að horfa til þess að orkuskipti í fiskeldi eru hafin, orkuskipti í flutningum eru að hefjast og orkuskipti í ferðaþjónustu hafin.

Í umfjöllun að nýrri rammaáætlun eru tillögur um Skúfnavatnavirkjun (16 MW), Hvanneyrardalsvirkjun (13,5 MW) og Tröllárvirkjun (13,7 MW). Tvær síðarnefndu virkjanirnar byggja á nýtingu sama vatnasvæðis og útiloka því hvor aðra.

Aðrir minni virkjanakostir eru til staðar og þeirra stærstur er Kvíslartunguvirkjun í Steingrímsfirði (9,9MW) sem eykur orkuöryggi á Ströndum. Undirbúningur þessar virkjunar er hafinn m.a. hefur umhverfismat verið unnið og virkjunin gæti að óbreyttu verið gangsett árið 2027. Frummat á smávirkjanakostum gefa til kynna möguleika á að virkja samtals um 18 MW.

Einnig hefur margsinnis verið rætt um vatnsaflsvirkjun í Vatnsdal inn af Vatnsfirði. Þar gæti uppsett afl verið á bilinu 20 – 30 MW og staðsetning er hagstæð fyrir tenginu við flutningskerfið vegna nálægðar við Mjólka. Þó er sá

hængur á að virkjunin er í friðlandi Vatnsfjarðar og hefur verið síðan árið 1975. Án breytinga á friðunarskilmálunum verður ekki af framkvæmdinni. Virkjunaraðili hefur óskað eftir því við stjórnvöld að fá þeim skilmálum breytt á grundvelli samfélaglegs mikilvægis og ráðherra á eftir að taka afstöðu til þess. Leiði þessi ferill til breytinga á friðunarskilmálum má óska eftir að virkjunin verði tekin til mats í rammaáætlun. Sveitarfélagið Vesturbyggð hefur sett fyrirvara á framgang þessa máls og vísar til þess að virkjun Hvalár muni leysa brotalöm flutningskerfisins.



Mynd 3-9 Virkjunarkostir og raforkudreifing



Jarðhiti

Jarðhiti finnst víða á Vestfjörðum en nýting hans er mjög staðbundin. Einungis þrír af þrettán byggðakjörnum beisla jarðhita í dag, sem nemur um 6,5 GWst til húshitunar og atvinnurekstrar. Í öðrum byggðakjörnum byggir húshitun og önnur atvinnustarfsemi á raforku með beinni hitun eða með fjarvarmaveitum sem kynntar eru með rafskautakötlum.

Víða er unnið að aukinni nýtingu jarðhita. Við kalda þéttbýlisstaði er borað eftir lághitaæðum, sem nýta mætti til húshitunar gegnum varmadælur. Einnig hefur verið kannað hvort fýsilegt er að nýta þekktan jarðhita staðbundið til atvinnustarfsemi, til dæmis á Gálmaströnd og í Kaldrananeshreppi. Gera má ráð fyrir að nýting jarðhita muni áfram vera að mestu staðbundin. Þéttbýlin eru ekki það stór að langar röralagnir svari kostnaði og ný atvinnustarfsemi er frekar staðsett nærri jarðhitunum.

Vindorkuvirkjanir

Á Vestfjörðum er einn virkjunarkostur í vindorku til umfjöllunar í fimmta áfanga rammaáætlunar. Hann er ofanvert við Garpsdal og er áætlað að hann geti framleitt um 130 MW. Þegar þetta er skrifað hefur ráðherra lagt til að allir vindorkukostir sem hafa verið til umfjöllunar fari í biðflokk. Flokkun Garpsdals í biðflokk er rökstudd með því að samkvæmt nýjustu gögnum sé virkjanasvæðið í farleið hafarna sem eru lykiltægund í íslenskri náttúru. Einnig er virkjunin á jaðri friðlandsins í Breiðafirði.

4 Grunnkerfi – stoðir samfélagsins

4.1 Byggðamynstur

Í grófum dráttum skiptir landslag Vestfjörðum í þrjú afmörkuð svæði, sunnanverða og norðanverða Vestfirði og Strandir. Bygð á stórum svæðum á Hornströndum, í Jökulfjörðum og við norðanvert Djúp fóru í eyði á síðustu öld og byggðin er nú aðallega í þorpum og bæjum.

Aðstæður fólks, sókn eftir þjónustu, vinnu og verslun ráðast að nokkru af vegalengdum, ferðatíma og öryggi. Sama má segja um forsendur til rekstrar fyrirtækja. Þannig hefur þéttleiki byggðar áhrif á búsetuskilyrði.

Fólksfjöldapróuin á Vestfjörðum hefur einkennst af fólksfækkun nær óslitið síðustu þrjá áratugi, en frá árinu 2017 hefur íbúum fjölgað. Fólksfækkunin á Vestfjörðum var örari í strjálbýli en þéttbýlisstöðum og stærri byggðakjörnum. Líkt og annars staðar hefur fæðingartíðni á Vestfjörðum lækkað og langstærsta breytan í fólksfjöldapróun er því flutningsjöfnuður (aðfluttir umfram brottflutta). Margt af því sem við getum greint í fólksfjöldasögu Vestfjarða eru þekkt stef víðast hvar í heiminum: færri börn, fleiri eldri og aðdráttarafl stærri þéttbýlissvæða.

Atvinnuuppbygging á Vestfjörðum, t.a.m. hátæknifyrirtækisins Kerecis, ferðaþjónustu og fiskeldis, hefur skapað ný störf og dregið að fólk. Eins og er, er atvinnulífið í sókn, með tilheyrandi íbúafjölgun. Vestfirðir hafa ótvírætt aðdráttarafl vegna nálægðar við náttúru og einstaks samfélags.

Háhraðanettenging og fjarfundabúnaður gerir fólki kleift að sinna vinnu án þess að búa nærri vinnustaðnum. Að sama skapi eiga Vestfirðir, eins og aðrar jaðarbyggðir, enn í höggi við þunga undiröldu fólksfjöldapróunar sem ber fólk í átt að stærri þéttbýlisstöðum. Mikið er undir áframhaldandi atvinnuþróun í landshlutanum komið.



Byggðakjarnar á Vestfjörðum með fleiri en 50 íbúa eru 13 talsins og í þeim kjörnum búa samtals um 6.500 manns (1.1.24). Ísafjörður er fjölmennasti byggðakjarninn með um 2.700 íbúa (41,3%) en næstir koma Bolungarvík með um 970 íbúa (15%) og Patreksfjörður með um 760 íbúa (11,7%). Sex byggðakjarnar eru með milli 200-300 íbúa en þrír eru með milli 100-200 íbúa. Minnsti byggðakjarninn, Drangsnes, er með tæplega 70 íbúa.

Sumir þéttbýliskjarnanna á Vestfjörðum eru meðal elstu þéttbýlisstaða landsins og byggðust upp á kringum hafnir, oft á malareyrum sem skaga út í fjörð. Takmarkað undirlendi hefur síðan stýrt formi bæja og sett þeim náttúruleg vaxtarmörk. Einkennandi fyrir eldri bæi er nokkuð þétt byggð með blandaðri landnotkun hafnar- og atvinnustarfsemi ásamt íbúðarbyggð sem síðar hefur þróast sem línuleg byggð út frá þeim meðfram ströndum, skýrasta dæmið er Ísafjörður. Aðrir bæir hafa þróast sem línuleg byggð út frá hafnarsvæðum. Þéttbýliskjarnarnir búa allir yfir þeim kostum að vegalengdir innanbæjar eru stuttar. Elstu hlutar Ísafjarðar hafa verið skilgreindir sem verndarsvæði í byggð og unnið er að verndaráætlunum fyrir elstu hluta annarra þéttbýlisstaða m.a. Bolungarvík og Hólmavík.


Aðeins um 10% íbúa Vestfjarða búa í strjálbýli, utan byggðakjarnanna.

Framboð þjónustu, opinberrar og einkarekinnar, endurspeglast ekki aðeins af íbúafjölda heldur einnig hlutverki byggðakjarnanna innan svæðanna þriggja á Vestfjörðum. Ísafjörður og Bolungavík hafa mest framboð þjónustu, verslunar og stjórnsýslu, en þar á eftir koma Patreksfjörður og Hólmavík. Auk almennrar verslunar- og þjónustu eru á Ísafirði, Patreksfirði og Hólmavík aðsetur embætta svo sem lögreglu, sýslumanns og stjórnsýslu á vegum ríkis.¹¹

Framboð dagvöruverslana fylgir öðru fremur íbúafjölda þéttbýliskjarna. Aðeins fjölmennasti þéttbýliskjarninn, Ísafjörður, hefur matvöruverslanir sem falla undir skilgreininguna lágvöruverðsverslanir (Bónus, Krónan, Nettó). Aðrar stærri dagvöruverslanir (Hagkaup, Kjörbúðin eða sambærilegt) er að finna á Patreksfirði og Bolungavík. Aðrir þéttbýliskjarnar á Vestfjörðum eru aðeins með aðrar dagvöruverslanir s.s. Krambúð eða sambærilegar verslanir.¹²

¹¹ Þjónustukort Byggðastofnunar – gögn sótt 15.11.2024 á <https://thjonustukort.is/>

¹² Stöðugreining landshluta 2024. Byggðastofnun



Mynd 4-1 Byggðakjarnar og akurstími frá Ísafirði, Patreksfirði og Hólmavík.

Vestfirðum má skipta í þrjú til fjögur vinnusóknarsvæði: Suðurfirðir, Norðurfirðir og Strandir / Reykhólahreppur, sbr. Mynd 4-2. Vegurinn um Þróskulda hefur tengt tvö síðastnefndu svæðin saman en með þeim takmörkunum sem vetrarþjónusta setur. Hið fyrra vinnusóknarsvæði teygir sig vestur í Ísafjarðardjúp en hitt suður til Búðardals. Vegabætur síðustu ára og áratuga hafa auðveldað tengsl innan landshlutans og þar eru jarðgöng mest afgerandi þáttur.



Mynd 4-2 Vinnusóknarsvæði Vestfirðna.

Á vinnusóknarsvæði Norðurfjarðanna er að sumarlagi hægt að komast milli Ísafjarðar og annarra þéttbýliskjarna á svæðinu á innan við 30 mínútum, nema Þingeyrar sem er í um 45 mínútna akstursfjarlægð. Á milli þéttbýlisstaðanna Patreksfjarðar og Bíldudals á vinnusóknarsvæði Suðurfjarða er um 30 mínútna akstursvegalengd. Akurstími milli Reykhóla og Hólmavíkur eru um 45 mínútur að sumarlagi og milli Hólmavíkur og Drangsnæs um 30 mínútur. (Sjá Mynd 4-1)

Fjarlægðanna vegna má þó teljast ólíklegt að íbúar muni almennt sækja vinnu daglega þvert á vinnusóknarsvæðin. Fjarvinnutækni eykur hins vegar




möguleika á því að sinna starfi óháð staðsetningu og sú tækni hefur þróast hratt á allra síðustu árum auk bættra gagnaflutninga.

4.2 Samgöngur

Samgöngur á Vestfjörðum hafa alltaf verið mikil áskorun, um marga erfiða fjallvegi er að fara á milli byggðakjarna og undirlendi lítið og því vegir oft undir bröttum óstöðugum hlíðum. Veggamgöngur eru ráðandi í tengslum innan Vestfjarða og við aðra landshluta. Vegakerfið í heild svarar ekki kröfum íbúa og atvinnulífs um eðlileg samskipti og hreyfanleika í nútíma samfélagi. Það er löngu þekkt að staðan í uppbyggingu veggamgangna á hverju svæði hefur mikil áhrif á búsetuskilyrði og byggðapróun til framtíðar.


Vísbendingar eru um að vegir, sem fólk upplifir sem viðsjárverða á einhvern hátt, letji fólk til að fara ferðir sem það annars myndi gera. Þannig vegir skapa nokkur konar sálfræðilega hindrun og upplifuð fjarlægð milli staða verður meiri en á svæðum þar sem vegir teljast öruggir. Þannig upplifa íbúar á Vestfjörðum í auknu mæli veruleg óþægindi eða kvíða í ferðlögum að vetri á öllum fjallvegum og undir ofanflóðahlíðum. Mælist munur á milli ára 2020 og 2022 frá 10 til 30 % og í tveimur tilvikum hátt í 50%. Eins kemur fram að töluverður munur er á því hvernig karlar og konur svara og finnst konum vegkaflarnir almennt meira fráhrindandi en körlum.

Á síðustu árum hafa orðið nokkrar úrbætur á veggamgöngum. Enn eru þó margir farartálmar sem gera Vestfirðingum erfitt um för innan fjórðungsins og tengingar við aðra landshluta slitróttar. Innan stofnvegakerfisins á Vestfjörðum teljast 14 fjallvegir og einnig eru nokkrir vegir um ofanflóðasvæði. Þessir vegakaflar mynda flöskuhálsa, sem á árunum 2018-2020 töldu 990 atvik sem hömluðu ferðum í meira en 8 tíma á sólarhring og hafa mikil áhrif á daglega vinnusókn milli byggðakjarna sem og ferðir til og frá Vestfjörðum.



Mynd 4-3 Rof á tengingum milli vinnusóknarsvæða.


Síðla árs 2024 kynnti Innviðafélag Vestfjarða „Vestfjarðalínuna“ sérstakt átaksverkefni um betri samgöngur á Vestfjörðum. Vestfjarðalínuna er ákall um gerð sérstaks samgöngusáttmála fyrir Vestfirði þar sem samgöngum yrði lyft á viðunandi stall á næstu 10 árum. Félagið hefur lagt fram framkvæmdaáætlun sem felur m.a. í sér fimm ný jarðgöng og tvöföldun Breiðadalsgangna (sjá Mynd 4-4). Öll göngin, utan Bröttubrekku, eru nú þegar á jarðgangnaáætlun. Auk þess leggur félagið höfuðáherslu á að nauðsynlegar vegbætur verði kláraðar, en dregist hefur að ljúka grundvallartengingum á borð við Dynjandisheiði og þverun Gufu- og Djúpafjarðar.




Mynd 4-4 Áform um jarðgöng og vegabætur sett fram í Vestfirðalínu.

Vestfirðir er sá landshluti þar sem er hæsta hlutfall fjallvega og eða ofanflóðahlíða innan atvinnu- og þjónustusvæða og/eða tengingar við aðra landshluta. Landfræðileg lega Vestfjarða felur einnig í sér að snjólína er neðar í fjallendi á Vestfjörðum en annars staðar á landinu. Góð vetrarþjónusta er nauðsynleg til að tryggja greiða atvinnu- og þjónustusókn íbúa árið um kring sem er grunnur að jákvæðri byggðarþróun. Vetrarþjónusta á vinnusóknarsvæðum hefur ekki verið nógu tíð og staðil í vegi fyrir eðlilegri þróun samfélagsins.

Í nýrri könnun um viðhorf til vegagerðar vilja ferðafyrirtæki á Vestfjörðum að vetrarþjónusta verði aukin til að lengja ferðarþjónustutímabilið. Að þeirra mati skiptir vetrarþjónustan miklu máli sérstaklega þar sem ferðarþjónustan er ekki heilsársatvinnugrein.



Mynd 4-5 Vetrarþjónusta á Vestfjörðum 2022- 2023 – aukin þjónusta við Árneshrepp ekki tilgreind (mynd Vegagerðin, jan 2023).




Mynd 4-6 Vetrarþjónusta, snjómokstur.

Ferðaþjónustan á Vestfjörðum hefur unnið að því að Vestfjarðahringurinn verði skilgreindur sem ferðamannaleið. Ferðamannaleiðin sem er um 950 km löng hefur fengið nafnið Vestfjarðaleiðin og liggur um átta sveitarfélög á Vestfjörðum og um Dalabyggð á Vesturlandi. Lagt er upp með að Vestfjarðaleiðin verði aðdráttarafl fyrir svæðið allt árið um kring, fyrir Vestfirði og Ísland.

Á Vestfjörðum eru skráðar 18 hafnir í öllum sveitarfélögum. Hafnirnar eru ólíkar en allar hafa þær á einhverjum tímapunkti verið lífæð sins samfélags og margar eru það enn. Hafnir þjóna enn grunn atvinnuveginum, sjávarútvegi.

Fiskeldið nýtir hafnir í auknum mæli sem og aðrar greinar sem sækja í auðlindir sjávar. Hafnir hafa leikið stórt hlutverk í vaxandi þjónustu við ferðamenn og einnig fer nokkur hluti af vöruflutningi til og frá Vestfjarða um hafnir og hefur sá flutningur aukist verulega síðustu árin, farið úr tæplega 14 þús tonnum árið 2018 í tæplega 33 þús tonn 2022.



Mynd 4-7 Hafnir, flugvellir og landingarstaðir.

Hafnir í grunnneti Vestfjarða eru Brjánslækjarhöfn (ferjuleið), Patreksfjarðarhöfn, Bíldudalshöfn, Bolungarvíkurhöfn og Ísafjarðarhöfn. Aðrar hafnir eru að Reykhólahöfn (iðnaðarhöfn), Flateyjarhöfn (ferjuhöfn),




Tálknafjarðarhöfn, Þingeyrarhöfn, Flateyrarhöfn, Suðureyrarhöfn, Súðavíkurhöfn, Norðurfjarðarhöfn, Drangsneshöfn og Hólmavíkurhöfn.

Flugvællir í grunnneti Vestfjarða eru Bíldudalsflugvöllur, Ísafjarðarflugvöllur og Gjögurflugvöllur, þetta eru þeir flugvællir sem flogið er áætlunarflug til og eru hluti af almenningssamgöngukerfinu. Aðrir flugvællir eru skilgreindir sem lendingastaðir sem er viðhaldið vegna sjúkraflugs eða sem lendingarstaðir. Þetta eru flugvællir við Hólmavík, Reykhóla, Þingeyri og Reykjanes við Djúp.

Innanlandsflug hefur dregist saman á síðustu árum og verið í neikvæðum spíral minnkandi framboðs og eftirspurnar. Vísbendingar eru um að Loftbrúin geti stöðvað þessa þróun varðandi áætlunarflug í dag en markmiðið ætti einnig að vera að stuðla að auknu framboði og fjölgun ferða.

Árið 2024 fóru tæplega 30 þúsund farþegar með flugi til og frá Ísafirði en í mars 2025 tilkynnti Icelandair að félagið muni hætta áætlunarflugi á Ísafjörð haustið 2026. Vestfjarðastofa hefur kynnt hugmyndir sínar fyrir Alþingi um aðkomu ríkisins til að tryggja áframhaldandi áætlunarflug til Ísafjarðar, en ekki hefur enn verið samið við önnur flugfélög um áætlunarflugið (maí 2025).¹³



Mynd 4-8 Almenningssamgöngur. Heimild: straeto.is – leiðakort af landsbyggðinni (2024).¹⁴

Almenningssamgöngur þarf að tengja við skipulag vetrarþjónustu og stefnumörkun í málefnum sveitarfélaga sem leiðir af sér fleiri fjölkjarnasveitarfélög. Akstur milli Ísafjarðar og Hólmavíkur og Ísafjarðar og Patreksfjarðar er einungis frá júní til ágúst. Einnig þarf að fjalla um að


¹³ <https://www.ruv.is/frettir/innlent/2025-03-24-kalla-eftir-thvi-ad-rikid-stigi-inn-i-aaetlunarflug-innanlands-439623>

¹⁴ <https://www.straeto.is/notendaupplýsingar/landsbyggdinn>



fjármagn til landsbyggðastrætós er takmarkað og að óbreyttu fá tækifæri á að þróa það kerfi.

Stærstur hluti Vestfirðinga býr í þéttbýli og hefur því tök á að fullnægja hluta af daglegri ferðapörf gangandi eða hjólandi. Niðurstöður ferðavenjukönnunar haustið 2022 sýna að jafnaði fara Vestfirðingar 3 ferðir á sólahring og af þeim er hlutfall virkra ferðamáta, gangandi- og hjólandi 24%, almenningssamgangna 4%, og bílferða (bílstjóri og farþegar) 69%.



Mynd 4-9 Úr ferðavenjukönnun Gallup fyrir Innviðaráðuneytið, Skipulagsstofnun, SSH, Vegagerðina, HMS og Betri samgöngur. Myndin sýnir niðurstöður tveggja kannana sem gerðar voru að hausti 2019 og 2022. Um 1.000 íbúar á Vestfirðum voru í úrtakinu í hvorri könnun.

Mikill munur er á milli byggðalaga, algengast er að á heimili séu 1-2 bílar en Ísafjörður sker sig úr með fæsta bíla á heimili, en 7% svarenda þar eru á bíllausum heimilum. Hluttur gangandi er mestur í Bolungarvík (45%) og Ísafirði (27%) og hluttur almenningssamgangna mestur í Strandabyggð (8%) og á Ísafirði (7%).

4.3 Orkuflutningur og fjarskipti

Afhendingaröryggi raforku byggir á samspili öflugs flutnings- og dreifikerfis og stærri virkjana. Vestfirðir búa við mikla sérstöðu miðað við landið í heild. Svæðið er eyja í raforkukerfinu tengd einni 160 km langri flutningslínu, (Vesturlínu) við landskerfið (Byggðalínu í Hrítafirði). Einnig eru Vestfirðir án stórrar virkjunar eða stórnotenda. Þessi tvö atriði takmarka flutningsgetu línunnar í dag við um 50 MW. Bilanatiðnin er há í samanburði við flutningskerfið almennt, sökum þess að línan liggur um veðurfarslega erfiðasta svæði landsins fyrir flutningslínur.

Afhendingaröryggi er því veikara á Vestfirðum en í öðrum landshlutum. Til að mæta því var byggt upp varaafli knúð jarðefnaeldsneyti við alla byggðakjarna en sú orka nægir eingöngu til forgangsnotenda. Þetta takmarkar atvinnuuppbyggingu á Vestfirðum og eykur losun gróðurhúsalofttegunda frá Vestfirðum miðað við aðra landshluta.

Þessi flókna staða orkukerfisins á Vestfirðum hefur lengi verið viðfangsefni en nú er mikil endurnýjun og styrking framundan. Gert er ráð fyrir nýju tengivirki í Miðdal, norðvestan í Steingrímsfjarðarheiði. Þar verður Hvalárvirkjun tengd inn á kerfið og hægt í framtíðinni að tengja fleiri virkjanir. Auk Hvalárvirkjunar er Austurgilsvirkjun ofan Skjaldfannardals í nýtingarflokki Rammáætlunar. Fleiri virkjanakostir eru til umfjöllunar í Rammáætlun 5.

Úr Miðdal verði tengt í Mjólklárlínu með nýju tengivirki í Kollafirði. Áætlanir Landsnets gera ráð fyrir að tvítengt verði milli Kollafjarðar og Mjólkár og að



svæðisbundna flutningskerfið frá Mjólka verði að mestu tvítengt á næstu 10 árum. Frá Mjólkárirkjun verði tvítengt með tveimur lykkjum:

- *Suðurlykkjan*: liggi í nýjum sæstreng yfir Arnarfjörð í nýjan afhendingarstað í Bíldudal, þaðan verði tvítengt til Tálknafjarðar og Tálknafjarðarlína 1 til Mjólkárirkjunar verði síðar endurnýjuð.
- *Norðurlykkjan*: tvítengt verði í tengivirkið í Breiðadal. Þaðan verði bæði Ísafjarðarlína og Bolungarvíkurlína endurnýjaðar að hluta. .


Umræða um legu nýrrar línu milli Kollafjarðar við Mjólka er ekki hafin en vel gæti svo farið að hún fylgi núverandi lagnabelti Mjólkarlínu. Einnig hefur verið kannað hvort mögulegt væri að leggja línu frá Miðdal um innsveitir Ísafjarðardjúps eða með sæstreng yfir Ísafjarðardjúp en horfið hefur verið frá þeim hugmyndum.

Afhendingaröryggi raforku hefur verið minna til vandræða fyrir atvinnusvæðið við Steingrímsfjörð miðað við aðra hluta Vestfjarða, þar sem orkuframleiðsla innan svæðisins tryggir afhendingu ásamt tengingum við meginflutningskerfið í tengivirki í Geiradal. Orkuframleiðslan er hinsvegar takmörkuð og hamlar nýrri atvinnuuppbyggingu en með nýrri virkjun í Steingrímsfirði, Kvíslartunguvirkjun (9.9 MW) skapast þar ný tækifæri auk þess að bæta afhendingaröryggi.

Dreifikerfi hafa verið bætt verulega á síðustu árum með sértæku átaki Byggðaáætlunar og orkufyrirtækja. Aukin sjálfvirkni í stýringum á samspili varaafis við flutningskerfið hefur einnig stórbætt afhendingu frá því sem áður var fyrir notendur forgangsorku.

Hitaveita er víða knúin raforku eða brennslu og því hefur verið leitað að jarðhita á undanförunum árum. Lágðitasvæði hafa fundist í Skutulsfirði og Patreksfirði en ekki er enn vitað hver afköst svæðanna gætu verið. Einnig er verið að kanna möguleika á nýtingu þekktra jarðhitasvæða í Árneshreppi, í Steingrímsfirði (Drangnesi og Gálmaströnd) og á Reykhólum.

Í orkuspa Orkustofnunar er gert ráð fyrir að almenn notkun raforku geti allt að því tvöfaldast fram til ársins 2050. Fyrirséð er að orkuskortur verði viðvarandi vandamál næstu fimm árin, þar eð eftirspurnin eykst hraðar en viðbætur nýrrar orku. Staða almennra notenda er viðkvæm í því samhengi og því er verið að endurskoða lagaumhverfi raforkumarkaðarins.



Mynd 4-10 Raforkuframleiðsla, flutningskerfi og dreifikerfi raforku.

Fastanet

Á Vestfjörðum er aðgengi heimila og fyrirtækja að ljósleiðaratengingum mismunandi eftir sveitarfélögum og innan sveitarfélaga. Aðeins þrír þéttbýlisstaðir (Ísafjörður, Súðavík og Drangsnes) hafa náð viðmiði stjórnvalda um að 80% allra heimila og fyrirtækja í hverjum byggðakjarna skuli hafa aðgang að ljósleiðaratengingu. Hólmavík, Tálknafjörður og Bíldudalur skera sig úr að því leyti að þar er nánast ekkert aðgengi að ljósleiðaratengingum (skráð 1-3% í september 2023). Með sameiginlegu átaki ríkis og sveitarfélaga er þess vænst að lagning ljósleiðara í þéttbýli þ.m.t. á Vestfjörðum verði lokið fyrir lok árs 2026.

Farnet


Mikið vantar upp á að dekkun farneta á þjóðvegum Vestfjarða standist samanburð við önnur svæði í landinu. Á það bæði við um þéttleika til að ná slitlausri þjónustu á stofnvegum og eins eru margir kaflar af öðrum vegaflokkum (tengivegum og landvegum) illa eða ekki dekkðir. Er þetta sérstaklega slæmt þegar um er að ræða fjallvegi eða aðra snjópunga vegi þar sem oft þarf að nota síma sem neyðartæki. Á þetta við um dekkun allra fjarskiptafélaga. Sama staða er uppi varðandi dekkun öryggisfjarskipta (Tetra kerfi) viðbragðsaðila og lögreglu, sem dregur mjög úr hæfni aðila til að stýra aðgerðum og eiga í samskiptum í neyðarútköllum.

Fjarskiptafélögum er ekki skylt samkvæmt sömu tíðniheimildum að auka útbreiðslu sína á vegköflum sem ekki teljast til stofnvega. Á Vestfjörðum eru

því ýmis svæði utan þéttustu byggða og svæði sem nýtt eru til útivistar og ferðaþjónustu ásamt vegum sem ekki teljast til stofnvega þ.e. tengivegir og landvegir sem lenda utan dekkunarkvaða frá Fjarskiptastofu.

Samband á völdum stofnvegum Vestfjarða

- Upplýsingar vantar
- Ekkert samband
- Stopult samband
- Gott samband



Mynd 4-11 Samband á völdum stofnvegum Vestfjarða.

Samið hefur verið um verulegar útbætur á farnetskerfi, þess efnis að fjarskiptafélögin skuli klára 100% dekkun á stofnvegum á Vestfjörðum fyrir árslok 2027 samkvæmt skilyrðum í tíðniheimildum útgefnum í mars 2023.



Engin áform eru um uppbyggingu farnets á tengivegum eða landvegum, né eru áform hafa verið kynnt um uppbyggingu öryggisfjarskipta (Tetra kerfis) viðbragðsaðila á stofn og tengivegum.

Í þéttbýli er lögð mun meiri krafa á fjarskiptafélögin um að bjóða meiri háhraðatengingar um farnet. Fyrir árslok 2027 skal 99% heimila og fyrirtækja í þéttbýlum ná a.m.k. 250Mb/s tengihraða um farnet. Það verður að mestu eða öllu leyti leyst með 5G farnetum.


Heimildir:

- Skýrsla starfshóps um raforkumál á Vestfjörðum – apríl 2022
- Skýrsla starfshóps um eflingu samfélagsins á Vestfjörðum á málefnasviði umhverfis-, orku- og loftslagsráðuneytisins – Júní 2023
- Fjarskiptaáætlun Vestfjarða - Úttekt á stöðu fjarskiptamála 2023-2024
- Langtímaáætlun kerfisáætlunar 2023-2032 - „Langtímaáætlun um þróun flutningskerfis raforku“

5 Samfélagsauður


5.1 Samfélagsþróun og samstarf

Mikil breyting hefur orðið á skipan sveitarfélaga á Vestfjörðum. Í byrjun árs 2025 voru sveitarfélögin 8, en voru flest 35 um miðja síðustu öld. Framan af 20. öldinni fjölgaði sveitarfélögum samhliða þéttbýlismyndun. Eftir miðja öld fór þeim að fækka aftur þegar fólki fækkaði mikið í afskekktari byggðum og sumar fóru í eyði. Á tíunda áratug síðustu aldar stóðu stjórnvöld fyrir átaki í sameiningu sveitarfélaga. Miklar breytingar urðu þá á Vestfjörðum, en á 10 ára tímabili fækkaði sveitarfélögum um 20. Þau voru 32 árið 1986 en 12 árið 1996. Frá 1996 til ársins 2025 hefur þeim síðan fækkað um 4 til viðbótar.



Mynd 5-1 Þróun sveitarfélagafjölda og íbúafjölda Vestfjarða frá 1900 til 2025.

Sveitarfélögin átta eru af ólíkri stærð og er munurinn í fámennasta og fjölmennasta sveitarfélaginu ríflega sextugfaldur. Miðað við íbúafjölda á fjórða ársfjórðungi 2024 voru þrjú sveitarfélög með 1.000 íbúa eða fleiri þ.e. Ísafjarðarbær, Vesturbyggð og Bolungarvíkurkaupstaður. Af þessum þremur sveitarfélögum er Ísafjarðarbær fjölmennastur með rúmlega 3.800 íbúa. Þrjú sveitarfélög eru með færri en 250 íbúa þ.e. Súðavíkurhreppur, Kaldrananeshreppur og Árneshreppur, sem er fámennastur með 60 íbúa.




Mynd 5-2 Íbúafjöldi sveitarfélaga á Vestfirðum 1. janúar 2025.

Vaxandi ábyrgð sveitarfélaga á þjónustu við íbúa hefur kallað á eflingu sveitarfélaga. Fámenn sveitarfélög eiga í erfiðleikum með að standa undir sífelld vaxandi þjónustukröfum í nútímasamfélagi og þurfa að treysta á aðra, oftast önnur sveitarfélög, um veitingu þjónustu, bæði lögbundinni sem ólögbundinni. Slík ráðstöfun getur verið tímabundin lausn en til lengdar dregur hún úr sjálfstæði viðkomandi sveitarfélaga.

Vestfirðir og landið allt eru að ganga í gegnum miklar lýðfræðilegar breytingar sem ekki sér fyrir endann á. Árið 2024 voru 20% íbúa á Vestfirðum með erlent ríkisfang og er það hærra en landsmeðaltal sem er 17%. Þetta hlutfall

hefur aukist jafnt og þétt síðustu áratugi. Um aldamótin var 6% íbúa á Vestfirðum með erlent ríkisfang en 3% á landinu öllu. Frá aldamótum hefur einnig orðið mikil breyting í aldursdreifingu. Öldruðum hefur fjölgað en fækkað hefur í yngsta aldursflokki. Þannig hefur þeim sem eru 67 ára og eldri fjölgað um 350 á meðan þeim sem eru yngri en 20 ára hefur fækkað um tæp 1.100. Fjölgun í elsta hópnum mun miðað við spár halda áfram að aukast.



Mynd 5-3 Breytingar í aldursflokki frá 2000 til 2024 á Vestfirðum.

Hækkandi aldur þjóðarinnar og fjölgun innflytjenda mun krefjast aukinnar þjónustu sveitarfélaga. Slík þjónusta kallar á aukna samhæfingu og þéttari samvinnu sveitarfélaga eða sameiningu. Í þessu sambandi má sérstaklega



ætla að málafokkar eins og félagsþjónusta, þ.m.t. þjónusta við aldraða, skólamál og húsnaðismál kalli á aukna samhæfingu og samstarf.

Af sveitarstjórnarlögum og stefnu ríkisins í málefnum sveitarfélaga er ljóst að auknar kröfur um þjónustustig og geta sveitarfélaga til að sinna verkefnum setur ákveðin þrýsting á sveitarfélög til aukinnar samvinnu og/eða sameiningar með það að markmiði að bæta þjónustu við íbúa.

Á Íslandi er hlutur sveitarfélaga í opinberum útgjöldum 27% á móti 73% hjá ríkinu. Hjá þeim löndum sem við berum okkur helst saman við er skiptingin nánast jöfn. Ákveðinn kostur liggur í því að aukinn hluti grunnþjónustu við íbúa sé rekin nær þeim. Þjónusta eins og framhaldsskólar, öldrunarþjónusta, heilsugæsla og jafnvel löggæsla. Sveitarfélögin þurfa hins vegar að vera stærri og stöndugri svo slík tilfærsla á þjónustuumboði almannaþjónustu geti átt sér stað. Framtíðarsýnin á tímum örrar tæknipróunar og tilfærslu ákveðinnar almannaþjónustu í starfrænt form er í hugum margra einmitt sú að aukinn hluti almannaþjónustu færist nær notendum, þ.e. íbúum.

Sveitarfélögin á Vestfjörðum hafa um áratugaskeið átt með sér öflugt samstarf um ýmis málefni, frá því Fjórðungssamband Vestfirðinga var stofnað árið 1949. Alla tíð síðan hafa öll sveitarfélög í landshlutanum verið aðilar að sambandinu, þrátt fyrir að sveitarfélög séu ekki skyldug til þátttöku í landshlutasamtökum. Starfsemi Atvinnuþróunarfélags Vestfjarða, Markaðsstofu, Menningarráðs o.fl. var samofin starfsemi Fjórðungssambandsins og árið 2017 urðu kaflaskil í samstarfi sveitarfélaga með stofnun Vestfjarðastofu. Samstarf Vestfjarðarstofu er mun víðtækara og nær einnig til atvinnulífsins og samfélagsins alls.

Tilgangur Vestfjarðastofu er að vinna að hagsmunamálum íbúa, sveitarfélaga, stofnana og fyrirtækja á Vestfjörðum og að veita samræmda og þverfaglega ráðgjöf og þjónustu tengda atvinnu- og byggðapróun, frumkvöðlastarfsemi og menningu í víðum skilningi.

Almenn sátt er um núverandi fyrirkomulag og Vestfjarðastofa hefur eflt samstarfsvettvang fyrirtækja og einnig á sviði menningar og verið falin aukin verkefni á sviði umhverfismála og nú síðast á sviði farsældar barna. Hverju sinni er þessi starfsemi háð samkomulagi ríkis og sveitarfélaga um verkefni sem vinna þarf á landshlutavísu.

Húsnaðismál

Í lok árs 2024 eru samkvæmt fasteignaskrá 3.484 fullbúnar íbúðareiningar á Vestfjörðum. Íbúðum hefur fjölgað nokkuð síðustu ár samhliða fólksfjölgun eða 176 á tólf ára tímabili frá 2012-2024 sem er hlutfallsaukning uppá 5% (sjá Tafla 3 á næstu síðu). Íbúðum hefur fjölgað á öllum þremur vinnu- og þjónustusóknarsvæðunum. Flestar íbúðir hafa verið byggðar á norðanverðum Vestfjörðum en hlutfallslega hefur fjölgunin orðið mest á suðurfjörðum en minnst á Ströndum og Reykhólum.




	2012	2013	2014	2015	2016	2017	2018	2019	2020	2021	2022	2023	2024	Aukning	Aukning %
Norðurfirðir	2173	2187	2188	2188	2183	2183	2184	2192	2213	2218	2232	2283	2296	123	6%
Suðurfirðir	489	489	486	490	490	491	491	494	499	505	507	514	521	32	7%
Strandir / Reykholahreppur	646	648	646	643	639	642	640	650	653	653	654	655	667	21	3%
Samtals	3308	3324	3320	3321	3312	3316	3315	3336	3365	3376	3393	3452	3484	176	5%

Tafla 3 Fullbúnaar íbúðir samkvæmt Fasteignaskrá.



árinu 2023, en það er um helmingur þess sem má ætla að kosti að byggja 90 m² íbúð í fjölbýli.




5.2 Lýðheilsa

[illegible]

Mynd 5-51 Dreifing heilbrigðisþjónustu á Vestfjörðum skv. Þjónustukorti Byggðastofnunar.



Stærri þéttbýliskjarnar á borð við Ísafjörð, Bolungarvík og Patreksfjörð bjóða upp á gott aðgengi að heilsugæslu, sjúkrahúsi, lyfsölu og hjúkrunarheimili. Sambærileg þjónusta víða annars staðar á svæðinu er takmörkuð. Í byggðarlögum á borð við Reykhóla, Drangsnes og Norðurfjörð getur aksturstími farið yfir 30 mínútur og lækniþjónusta er sums staðar eingöngu í formi tímasettra heimsóknna einu sinni í viku.



Mynd 5-6 Dagvöruverslanir, lyfsala og vinnubúðir skv. þjónustukorti Byggingastofnunar.

Af lýðheilsuvísunum að dæma sækja Vestfirðingar sér síður lækniþjónustu en Íslendingar almennt. Bæði heimsóknir til sérfræðinga og á heilsugæslu eru með því lægsta sem gerist á Íslandi. Einfaldar og algengar lyfjaávisanir, eins og sýklalyfjaávisanir barna á leikskólaaldri, eru langtum fátíðari á Vestfjörðum

en annars staðar. Þetta má sennilega rekja til takmarkaðs aðgengis að heilbrigðisþjónustu.

Tannlæknaþjónusta er einungis með fasta viðveru á Ísafirði og í Bolungarvík. Í öðrum hluta fjórðungsins, þar á meðal á sunnanverðum Vestfjörðum, er ekkert aðgengi að tannlækni á staðnum. Þetta á meðal annars við um Patreksfjörð, Tálknafjörð og Bíldudal, þar sem íbúar þurfa að sækja slíka þjónustu langar leiðir. Í neyðartilfellum, s.s. vegna verkja, sýkinga eða áverka, getur þessi staða reynst erfiðari og seinlegri en æskilegt er.

Frá árinu 2021 hefur fólk verið beðið að meta eigin heilsu í könnun sem lýðheilsuvísarnir byggja á. Árin 2021-2024 hefur hærra hlutfall Vestfirðinga metið eigin heilsu sæmilega eða lélega en meðaltal landsmanna. Þetta á bæði við um andlega og líkamlega heilsu.

Vestfirðingar sem þurfa að leita lækni vegna andlegrar heilsu eða atferlisraskanna leita mun oftar til heilsugæslu en sjaldnar til geðlækni en aðrir Íslendingar. Þegar haft er í huga hversu margir Vestfirðingar meta andlega heilsu sem sæmilega eða lélega, má draga þá ályktun að þörfum Vestfirðinga fyrir sérhæfða þjónustu sé ekki mætt. Það að færri Vestfirðingar en landsmeðaltalið fái þunglyndislyf er því ekki hægt að túlka sem mælikvarða á andlega heilsu Vestfirðinga, heldur er takmarkað aðgengi að sérhæfðri heilbrigðisþjónustu sennilegri skýring.

Vestfirðingar virðast að mörgu leyti lifa heilsusamlegu lífi og oft munar litlu á Vestfjörðum og landsmeðaltalinu. Áhættudrykkja fullorðinna og vímuefnaneysla framhaldsskólanema mælist nokkru minni en landsmeðaltalið og marktækt færri fullorðnir hafa orðið fyrir ofbeldi um ævina en á landsvísu. Færri búa við fjárhagsörðugleika en landsmeðaltalið, sem mögulega má að hluta til útskýra með því að hlutfall atvinnulausra og öryrkja er lægra á Vestfjörðum en á landsvísu.




Streita mælist minni á Vestfjörðum og fyrir heimsfaraldurinn voru fleiri sem sögðust hamingjusamir á Vestfjörðum en að jafnaði á landinu. Síðustu tvö árin hafa færri sagst hamingjusamir, sérstaklega konur, en of snemmt er að segja til um hvort þetta sé varanlegt mynstur.

Skortur á reglulegri hreyfingu og reykingar eru hegðunarpættir sem hafa einna stærst áhrif á heilsu og lífslíkur. Hlutfall reykjandi Vestfirðinga er um 6%, sem er í takt við landsmeðaltalið.

Virkir samgöngumátar, ganga og hjól

Hlutdeild virkra samgöngumáta í öllum ferðum




Mynd 5-7 Niðurstöður ferðavenjukannana 2019 og 2022, hlutdeild virkra samgöngumáta þ.e. göngu og hjóreiða í öllum ferðum.

Hreyfing er sú lýðheilsuhegðun sem helst er hægt að hafa áhrif á í skipulagi með því að styðja við virka ferðamáta. Vestfirðingar eru duglegir að ganga og hjóla til vinnu og tveir þriðju hlutar Vestfirðinga segjast hreyfa sig eins mikið og ráðleggingar segja til um. Það er litlu minna en landsmeðaltalið. Þó munurinn sé ekki mikill, er nokkuð algengara á Vestfjörðum en á landsvísi að fullorðnir segist stunda litla eða enga rösklega hreyfingu.

5.3 Þekking og menntun

Fullorðnir sem hafa ekki lokið menntun umfram grunnskólann eru í viðkvæmri stöðu. Aukin sérhæfing á vinnumarkaði gerir að verkum að sífellt færri störf eru auglýst án nokkurra krafna um formlega menntun. Mörg þeirra sem ekki hafa lokið formlegri menntun umfram grunnskóla búa við lægra atvinnuöryggi en aðrir. Þeim er hættara við að missa vinnuna og lenda þá oftar í langvarandi atvinnuleysi en menntaðri hópar. Einnig eru sterk tengsl milli menntunarstigs og heilsu. Þau sem einungis hafa lokið grunnmenntun hafa markvert lægri lífslíkur en aðrir.



Mynd 5-8 Hlutfall fullorðinna 25 ára og eldri sem ekki hafa lokið menntun á hærri stigi en grunnskóla. Tölur úr manntalinu 2021. Heimild: Hagstofa Íslands.


Vestfirðir hafa næsthæst hlutfall fullorðinna sem ekki hafa lokið menntun á hærri stigi en grunnskóla. Þó er rétt að geta að meðal þessara geta verið einstaklingar sem hafa náð sér í réttindi sem gefa þeim möguleika á atvinnumarkaði, t.d. aukin ökuréttindi eða vinnuvélaréttindi.



Allt þéttbýli á Vestfjörðum rekur grunnskóla og aðgengi að þeim er almennt í innan við 15 mínútna akstursfjarlægð. Í þeim tilvikum þar sem börn búa í minni kjarna utan þess þéttbýlis sem rekur skólana, er algengt að sveitarfélög bjóði upp á skólaakstur. Þannig er reynt að tryggja jöfnuð í aðgengi, óháð búsetu. Aðgengi að þessum stofnunum virðist því almennt tryggt, en rekstur smárra skóla krefst mikillar útsjónarsemi og sveigjanleika af hálfu sveitarfélaga. Lítil nemendafjöldi og langar vegalengdir geta haft áhrif á námsframboð, sérkennslu, félagslíf og möguleika barna til að mynda tengsl við jafningja.

Leikskólar eru reknir í öllum þéttbýliskjörnunum, að Árneshreppi undanskildum. Þar, í Norðurfirði, er hvorki starfandi leikskóli né aðgengi að leikskóla. Þetta getur haft áhrif á fjölskyldur með ungbörn og möguleika fólks til að búa í sveitarfélaginu til lengri tíma litið. Einnig getur það haft áhrif á félagsþroska barna og jöfnuð í menntun frá fyrstu árum ævinnar.

Í litlum samfélögum gegna skólastofnanir einnig víðtækara hlutverki en í þéttbýli. Þær eru miðstöð menntunar, félagslegra tengsla og stuðnings fyrir börn og foreldra. Viðhald slíkrar þjónustu er því ekki einungis menntamál heldur einnig forsenda fyrir áframhaldandi byggð og heildræna lýðheilsu í héraðinu.




Mynd 5-9 Hlutfall íbúa með háskólamenntun. Heimild: Hagstofa Íslands, úr manntali 2021.

6 Atvinnulíf og nýsköpun

6.1 Helstu atvinnugreinar

Vestfirðingar hafa ávallt lifað af ríkum auðlindum lands og hafs. Í dag draga Vestfirðingar björg í þjóðarbúið, umfram fólksfjölda. Þó Vestfirðingar séu innan við 2 prósent landsmanna skila þeir rúmum þremur prósentum útflutningstekna Íslands, samkvæmt úttekt KPMG.



Mynd 6-1. Tímabilið maí 2022 - apríl 2023, sem síðasta heila árið með tölum frá Hagstofu fyrir allar atvinnugreinar. Súlurnar sýna annars vegar hlutfall atvinnugreina af heildaratvinnutekjum fyrir tímabilið, hins vegar hlutfall atvinnugreina af meðalmánaðarfjölda launþega fyrir tímabilið. Heimild: tölur frá Hagstofu Íslands, útreikningar VSÓ ráðgjöf.

Ef frá eru talin störf í opinbera geiranum, er fiskvinnsla stærsta (launþegar) atvinnugrein Vestfjarða, talið í vinnustundum, en fiskveiðar stærsta greinin sé horft á atvinnutekjur. Þó ber að hafa fyrirvara um að skráningin gæti verið ónákvæm, vegna fyrirtækja sem starfrækja bæði veiðar og vinnslu en eru bara skráð í annarri greininni. Ferðaþjónusta tryggir mörgum tekjur og hefur tvöfaldast á liðnum árum í 9% launþega að meðaltali yfir árið. Þó má leiða að

því líkum að allnokkur þessara starfa séu hlutastörf. Fiskeldi er þó sú atvinnugrein sem vaxið hefur allra hraðast, frá 25 starfsmönnum árið 2011 í um 250 árið 2024. Fiskeldið telur um 6% launþega á Vestfjörðum en um 8% af heildaratvinnutekjum.


Flestir launþegar á Vestfjörðum vinna í þjónustu hins opinbera, menntun, umönnun, stjórnsýslu og fleira. Í einkageiranum var sjávarútvegur áður fyrr ráðandi en hluttur hans hefur dalað. Störf í fiskeldi hafa að nokkru komið í stað þeirra starfa sem hafa horfið úr hefðbundnum sjávarútvegi. Ferðaþjónusta er að verða ein mikilvægasta atvinnugrein Vestfjarða, í störfum talið. Hluttur ferðaþjónustu fer vaxandi, þó án þess að mikil breyting hafi orðið á gistinóttum á landi. Sennilega drífur þjónusta við farþega skemmtiferðaskipa vöxtinn í ferðaþjónustu áfram en sums staðar er farið að takmarka hversu mörg skemmtiferðaskip geti lagt að í einu til að minnka álag á nærsamfélag hafnanna.

Nýsköpun og rannsóknir

Í vestfirska efnahagsævintýrinu undanfarin ár er einhyrningurinn Kerecis í fararbroddi (sprotafyrirtæki, metið á meira en 1 Ma. usd, í einkaeigu og ekki skráð á markað). Kerecis er verðmætasta nýsköpunarfyrirtæki Íslendinga, hefur skapað mörg sérfræðistörf á Ísafirði og verið Vestfirðingum mikill innblástur. Sé litið á tölur yfir nýsköpunarstyrki liðinna ára, má þó sjá að Vestfirðingar eiga enn nokkuð inni. Samanborið við hlutfall Vestfirðinga af fólksfjölda og launþegum landsins alls, gætu Vestfirðingar sótt meira í sameiginlega sjóði.



Fjármagn til nýsköpunar og tækniþróunar Fjárhæðir úr sjóðum Rannís meðaltal 2022-2024




Mynd 6-2 Úthlutaðar fjárhæðir úr sjóðum Rannís til nýsköpunar og tækniþróunar. Hlutfall landshluta af úthlutaðri fjárhæð, meðaltal árána 2022-2024, nema fyrir Rannsóknasjóð, þar sem ekki var búið að birta úthlutanir fyrir 2024. "Óstaðsett" geta verið samvinnuverkefni aðila úr fleiri landshlutum. Heimild: Tölur frá Rannís.

Vestfirskt atvinnulíf virðist ná góðum árangri í úthlutunum Rannís en sé litið nánar á tölurnar sést einn risi bera höfuð og herðar yfir aðra: Kerecis hefur fengið nærri 80% af öllum úthlutunum Tækniþróunarsjóðs til Vestfjarða árin 2022-2024. Á sama tíma hefur allnokkur tækniþróun farið fram í vestfirskum framleiðslufyrirtækjum án þess að þau hafi sótt þá styrki sem eru í boði. Ein leið til að auka hlutfall vestfirskra umsókna væri að auka þekkingu vestfirskra fyrirtækja á þeim stuðningi sem stendur til boða og mögulega að aðstoða við umsóknir.


Nýsköpunarmöguleikar svæða eru iðulega mestir og bestir innan þeirra atvinnugreina þar sem mest þekking er fyrir. Styrkveitingar úr Tækniþróunarsjóði skjóta stoðum undir þetta. Meirihluti styrkveitinga utan Kerecis hafa farið til verkefna sem tengjast hafinu (þari, fiskeldi, botnmálning,

bátasæti, línuveiðar, fiskolía). Af þessu má draga þá ályktun að Vestfirðingar eigi mesta möguleika innan nýsköpunar sem tengist sjósókn, fiskeldi eða frekari vinnslu á afurðum hafsins.

Umsóknir um nýsköpunarstyrki




Mynd 6-3 Hlutfall Vestfirðinga af heildarfjölda umsókna í sjóði fyrir nýsköpun, rannsóknir og tækniþróun. Samanburður við hlutfall Vestfirðinga af fólksfjölda landsins og starfandi með lögheimili á Íslandi. Heimild: Tölur um umsóknir frá Rannís. Tölur um fólksfjölda og fjölda starfandi frá Hagstofu Íslands.



Mynd 6-4 Hlutfall Vestfirðinga af úthlutaðri fjárhæð úr sjóðum fyrir nýsköpun, rannsóknir og tækniþróun. Samanburður við hlutfall Vestfirðinga af fólksfjölda landsins og starfandi með lögheimili á Íslandi. Heimild: Tölur um umsóknir frá Rannís. Tölur um fólksfjölda og fjölda starfandi frá Hagstofu Íslands.


Vinnuafli á Vestfjörðum

Á Vestfjörðum er hærra hlutfall fólks á vinnumarkaði yfir 55 ára að aldri en í öðrum landshlutum. Slíkt getur verið áhyggjuefni fyrir atvinnulífið, ef endurnýjun vinnuaflsins lætur á sér standa og illa gengur að fylla skörðin þegar starfsfólk fer á eftirlaun. Því er léttir að sjá að aldurshlutföllin í vinnuafli Vestfjarða hafa undanfarin ár færst í rétta átt. Hlutfall aldurshópsins 25-54 ára, sem ber atvinnulífið uppi, fer stækkandi. Þó getur verið að einstakar atvinnugreinar geti enn átt erfitt með nýliðun.



Mynd 6-5 Hlutfallsleg skipting aldurshópa á vinnumarkaði.

Vestfirðir og Suðurnes eru þeir landshlutar þar sem flestir hafa grunnmenntun og fæstir háskólamenntun. Tæpur fjórðungur Vestfirðinga (23%) hafa starfsmenntun á framhaldsskólastigi, sem er nærri landsmeðaltali. Mikill kynjamunur er á menntunarstigi. Langtum fleiri konur hafa háskólamenntun en karlar, 27% kvenna og 15% karla. Hjá konum sést einnig mikill kynslóðamunur á menntunarstigi. Konur undir 55 ára eru mun líklegri til að hafa sótt sér meiri menntun en grunnskólamenntun en fyrri kynslóðir, þar sem sárafaár höfðu tækifæri til að ganga menntavegin. Yngri karlar eru hins vegar nokkurn veginn jafnlíklegir til að hafa sótt aukna menntun og eldri karlar.



Mynd 6-6 Menntunarstig eftir kyni og aldri árið 2021. Hér eru allir yfir 25 ára aldir taldir með, ekki eingöngu þeir sem tilheyra vinnuaflinu. Heimild: Hagstofa Íslands, Manntal 2021.

Örðuglega gengur að manna sum störf en ekki hafa verið gerðar kannanir á því hvaða hæfni er erfiðast að finna. Á fundum í þessu ferli hefur sérstaklega verið minnst á iðnmenntun og ýmiss konar sérfræðiþekkingu. Það er þekkt mynstur í vestrænum samfélögum. Stöðugt færri störf eru í boði fyrir þau sem einungis hafa grunnmenntun en víða er skortur á fólki með iðn- og tæknimenntun og sérfræðimenntun. Í opinbera geiranum skortir gjarnan fólk í umönnun og heilbrigðisþjónustu en einnig í sérhæfð störf á borð við skipulagsmál.

Hringrásarhráefni og nýting þeirra

Ævintýrlegur vöxtur Kerecis, sem nýtir fiskroð sem eitt sinn fór til spillis, m.a. til þess að græða mannshúðina, hefur vakið mikla athygli á hringrásarhagkerfinu. Til þess að stuðla að betri nýtingu hringrásarhráefna, þarf fyrst að þekkja hvað fellur til og hvað þarf til að nýta það. Þessi þekking er ekki til staðar í dag.

Líkt og með nýsköpun er nærtækt að hugsa sér að Vestfirðingar geti þróað tækifæri úr hringrásarhráefnum sem falla til við matvælavinnslu úr afurðum hafsins.

Þó ber einnig að líta til hringrásarhugsunar sem nú er í hraðri þróun, meðal annars innan bygginga- og framkvæmdageirans. Vestfirðingar þurfa að fylgjast vel með framþróun á hringrásarhagkerfi bygginga- og jarðefna. Þannig má spara akstur og álag á úrgangsmeðhöndlun og yfirleitt hafa byggingar og innviðir lægra kolefnisspor eftir því sem hringrásarhráefni eiga stærri hlut.

7 Menningarauður

Menning er hverju samfélagi mikilvæg til að skapa gott samfélag, auka félagsleg gæði og fjölga atvinnutækifærum. Við mat á menningarauði er hér horft bæði til innviða menningarmála, s.s. skóla og framboðs af listnámi og safnastarfs, sem og þess sem fólkið á svæðinu skapar með hugviti sínu, hefðum og gjörðum.

Sveitarfélög hafa skv. lögum ákveðnu hlutverki að gegna í fræðslu- og menningarmálum. Það helsta sem snertir menningarmálin er rekstur almenningsbókasafna og tónlistarskóla sem sveitarfélög hafa val um að stofna og skal þá fara að lögum um fjárhagslegan stuðning við tónlistarskóla nr. 75/1985. Einnig er lagður grunnur að menningarauði í grunnskólum sem sveitarfélögin bera ábyrgð á og með uppbyggingu íþróttamannvirkja.



Í Sónaráætlun Vestfjarða 2025-2029 kom fram markmið í menningarmálum svæðisins: Að efla fjölbreytt menningarlíf, stuðla að samvinnu um viðburði, styrkja félagsleg tengsl og hvetja til þátttöku allra. Nefndur er sá veikleiki að það séu fáar burðarstoðir menningarlífs en styrkleikarnir eru fjölmargir.

Vestfirðir hafa laðað að sér skapandi fólk og öflugt menningarlíf er ein af skrautfjöðrum svæðisins. Listsköpun hverskonar og félagsstarf hefur löngum verið innihaldsríkur þáttur í lífi íbúanna.

Menningin endurspeglast í hefðum á sviði sagnamennsku, matargerðar, tónlistarlífs og safnastarfs. Bæjar-, íþróttar, og menningarhátíðir laða margar að sér gesti víða að sem ýtir undir sterka ímynd Vestfjarða.

Menning og afþreying eru ráðandi þáttur í byggðafestu hér á landi en slíkt þrífst ekki í tómarúmi. Það er því oftast ekki öflugri grasrót að þakka að listalíf á Vestfjörðum hefur verið svo öflugt. Í þátttökustarfi hverskonar harðnar samkeppnin við sófann og erfiðara reynist að reka menningar-, tómstunda-, og íþróttastarf sem byggist á breiðri þátttöku íbúa. Betur má hlúa að hverskonar menningarstarfsemi svo það hvíli ekki á fárra herðum og meira samstarf er ákjósanlegt. Auka þarf veg vestfirskrar menningar og skilning á því að hún er einnig atvinna en ekki aðeins áhugamál. Mikil tækifæri felast í samlegðaráhrifum menningar og ferðaþjónustu á svæðinu.

7.1 Skapandi fólk og öflugt menningarlíf

Í greiningu Sónaráætlunar á menningarlífinu á Vestfjörðum er skortur á samstarfi í menningarmálum tilgreint sem einn af veikleikum. Einnig að fáir listamenn á Vestfjörðum starfi við list sína allt árið og að ungir listamenn snúi ekki aftur heim að loknu námi. Meðal styrkleika er hins vegar nefnt fjölbreytt safnaflóra og að tækifæri geti falist í auknu samstarfi atvinnulífs og menningar.

Sett er fram sú stefna að efla ímynd Vestfjarða sem áhugaverðs svæðis til að njóta lista og til listsköpunar, ýta undir menningarleg og söguleg sérkenni mismunandi svæða og kynna menningu barna og ungmenna.

7.2 Tónlist, leiklist og listsköpun

Tónlistarskólar á svæðinu hafa lagt grunn að öflugu tónlistarlífi en þeir eru almennt bæði fyrir börn og fullorðna. Í sumum starfa strengja- og lúðrasveitir og fá nemendur fjölda tækifæra til að koma fram, m.a. á Nótunni sem er uppskeruhátíð tónlistarskóla á landsvísu þar sem tónlistarnemendur á öllum aldri og á öllum stigum tónlistarnáms taka þátt.

Tónlistarskólar í helstu byggðum á Vestfjörðum eru:

- Tónlistarskóli Bolungarvíkur¹⁵ stofnaður 1964.
- Tónlistarskóli Ísafjarðar¹⁶ stofnaður 1948, starfræktur á Ísafirði, Flateyri, Suðureyri og Þingeyri.

¹⁵ <https://ts.bolungarvik.is/>

¹⁶ <https://tonis.is/>



- Tónskólinn á Hólmavík þjónar Strandabyggð.¹⁷
- Tónlistardeild Súðavíkurskóla.¹⁸
- Tónlistarskóli Vesturbyggðar,¹⁹ starfræktur á Patreksfirði, Tálknafirði og Bíldudal.
- Listaskóli Rögnvaldar Ólafssonar, Ísafirði²⁰ stofnaður 1992 (tengdur uppbyggingu Edinborgarhússins sem er tónlistar- og sviðslistahús).


Á Ísafirði er einn af elstu tónlistarskólum landsins, stofnaður af Tónlistarfélagi Ísafjarðar á heimili Jónasar Tómassonar. Félagið er enn starfandi, annast rekstur skólans og styður við tónlistarstarfsemi og tónleikahald.

Á Vestfjörðum eru starfandi nokkrir leikhópar, Litli leikklúbburinn á Ísafirði, Leikfélag Flateyrar og Leikfélag Hólmavíkur.²¹ Félögin standa reglulega fyrir leiksýningum fyrir börn og fullorðna sem auðga menningarlífið. Einnig hafa þau staðið fyrir námskeiðum og aðstoðað við að finna leikara í stærri sjónvarps- og kvikmyndatökum sem fara fram á Vestfjörðum. Að ógleymsdu Kómedíuleikhúsinu, stofnað 1997, sem er eina atvinnuleikhús Vestfjarða með bækistöðvar í Dýrafirði.²² Kómedíuleikhúsið hefur einbeitt sér að einleikjum sem hafa vakið mikla athygli bæði hér heima og erlendis.

7.3 Safnastarfsemi

Á Vestfjörðum er á fjórða tug safna og sýninga, byggðasöfn, minjasöfn og aðrar gerðir sem leggja áherslu á að miðla vestfirskum menningarsérkennum

og sögu svæðisins.²³ Þrjú söfn hafa hlotið viðurkenningu Safnaráðs: Sauðfjársetur á Ströndum, Minjasafn Egils Ólafssonar að Hnjóti og Byggðasafn Vestfjarða á Ísafirði.²⁴ Önnur safntengd starfsemi er samkvæmt safnalögum skilgreind sem safnvísar, setur og sýningar eða 16 talsins. Gestir safnanna og setranna voru rúmlega 100.000 árið 2019 þegar síðustu opinberu tölur voru gefnar út en hefur væntanlega fjölgað með fleiri ferðamönnum.



Mynd 7-1 Hér er valið að sýna tölur fyrir árið 2019, sem var síðasta árið fyrir heimsfaraldur. Nýjustu tölur eru fyrir 2021 en hvorki 2020 né 2021 gefa eðlilega mynd af safnasókn vegna faraldursins.

¹⁷ http://www.strandabyggd.is/skolanamskra_tonlistarskola/

¹⁸ <https://www.sudavik.is/is/thjonusta/fjolskyldan/sudavikurskoli>

¹⁹ <https://www.vesturbyggd.is/thjonusta/menntun/tonlistarskoli-vesturbyggdar/>

²⁰ https://www.edinborg.is/listaskoli_rognvaldar_olafssonar/

²¹ <https://leiklist.is/adildarfelog-bil/>

²² <http://www.komedia.is/>

²³ <https://www.vestfirdir.is/is/verkefni/menning>

²⁴ <https://safnarad.is/vidurkennd-sofn/listi-yfir-vidurkennd-sofn/>



Erfiðara er að sækja um styrki og stuðning fyrir þau söfn og setur sem ekki hafa hlotið formlega viðurkenningu safnaráðs.

Í skýrslu Vestfjarðastofu, Sameining og samstarf safna á Vestfjörðum,²⁵ sem gefin var út 2021 eru dregnar saman áskoranir og tækifæri:

- Möguleikar á sameiningu safna eru fáir. Helstu möguleikar á sameiningu safna eru samhliða utanaðkomandi breytingum, s.s. sameiningu sveitarfélaga eða breytingu á eignarhaldi. Ekki er líklegt að sameiningar milli ólíkra safna heppnist.
- Möguleikar á samstarfi eru nokkrir, til að styrkja starfsemi safnanna, svo sem í markaðsstarfi. Einnig er horft til möguleika á að söfn á Vestfjörðum sameinist um ráðningu starfsmanns sem gæti flakkað á milli safna og leyst af þegar þörf krefur.
- Sameiginlegt geymslurými fyrir söfn sem uppfyllir öryggiskröfur. Sameiginlegt sýningarhald, þ.e. gerð sýningar sem mun ferðast á milli vestfirskra safna og sameiginlegur aðgangspassi að söfnum Vestfjarða eru leiðir sem þarf að skoða.

Söfn og sýningarhald af ýmsu tagi styður vel við ferðapjónustu og er kynnt á vefsíðunni Westfjords.is fyrir ferðafólk sem er að leita að menningarlegri upplifun.²⁶ Setrin og sýningarnar eru sum hver óvenjuleg, m.a. Skrímslasafnið, Galdrasafnið og Dellusafnið.

7.4 Viðburðir og hátíðir

„Aldrei fór ég suður“ er þekktasta hátíð Vestfjarða og dregur árlega um páska til sín mikinn fjölda fólks, brottflutta Vestfirðinga og ferðafólk. Hvatamenn að henni eru feðgarnir Örn Guðmundsson (Mugison) og Guðmundur Kristjánsson. Hún hefur stundum verið kölluð óskabarn Ísfirðinga og nærsveitarmanna. Hátíðin er sérstök að því leyti að hún er ókeypis fyrir gesti og hljómsveitir rukka ekki fyrir tónleika sína. Hátíðin var valin tónlistarviðburður ársins á Íslensku tónlistarverðlaununum árið 2019.

Skjaldborg, hátíð íslenskra heimildamynda, er haldin árlega á Patreksfirði.²⁷ Sérstaða hátíðarinnar er að hún sýnir heimildamyndir sem annars kæmu varla fyrir augu almennings og ber jafna virðingu fyrir hinu smáa, stóra, skrítna og fokdyra eins og segir á vefsíðu hátíðarinnar.

Hornstrandir Film Festival fór í fyrsta sinn fram árið 2023. Hún er nokkuð óvenjuleg þar sem hún er haldin á fimm stöðum á Hornströndum sumarið 2025 sem krefst þess að gestir annað hvort gangi eða sigli á milli staða. Þarna er um nýsköpun að ræða þar sem áhugi á kvikmyndagerð og gönguferðum er fléttaður saman í einn viðburð.

Barnamenningarhátíðin Púkinn er haldin um alla Vestfirði, en hún var haldin í fyrsta sinn í september 2023.²⁸ Hátíðin er haldin í samstarfi við List fyrir alla og er styrkt af Barnamenningarsjóði Íslands. Vestfjarðastofa sinnir verkefnisstjórn hátíðarinnar en framkvæmdaaðilar viðburða eru menningarstofnanir, skólar og einstaklingar á Vestfjörðum.

²⁵ https://www.vestfiridir.is/static/files/Menningarmal/vestfjardastofa_safnaskýrsla.pdf

²⁶ <https://www.westfjords.is/is/upplifun/saga-menning/sofn>

²⁷ <https://skjaldborg.is/>

²⁸ <https://www.vestfiridir.is/is/verkefni/menning/pukinn>



7.5 Fjölmennning²⁹

Fjölgun erlendra íbúa hefur verið lyftistöng fyrir atvinnulíf og menningu á Vestfjörðum og skapað lífleg fjölmenningsamfélög sbr. Sóknaráætlun Vestfjarða 2025-2029.

Á síðastliðnum 10 árum hefur fjöldi erlendra ríkisborgara á Íslandi þrefaldast og hefur það víða skapað fjölmenningslegra samfélag, meðal annars á Vestfjörðum. Þann 1. janúar 2025 voru 81.323 erlendir ríkisborgarar búsettir í landinu eða 20% mannfjöldans. Þetta hlutfall var 6,6% árið 2014. Hlutfallið á Vestfjörðum er 20,5% (janúar 2025), hæst í Súðavík 36,1% og 31,5% í Vesturbyggð, en lægst í Árneshreppi 3,4%.

Sjávarþorp á Vestfjörðum hafa lengi laðað til sín fólk af erlendum uppruna og lengst af var hlutfall þess hæst á Vestfjörðum. Heimafólk hefur löngum lagt sig fram um að taka vel á móti nýjum íbúum og hafa mörg verkefni sprettið úr þeim auðuga jarðvegi. Má nefna fjölmenningshátíðir sem haldnar hafa verið, stofnun Fjölmenningsseturs, Tungumálatöfra og Gefum íslensku séns.

Þá hefur tónlistar- og menningarlíf notið góðs af fjölda kennara af erlendum uppruna sem kenna í tónlistarskólum á Vestfjörðum. Á sunnanverðum Vestfjörðum er árlega haldin alþjóðleg píanóhátíð að frumkvæði Andrew Yang.

7.6 Matarmenning

Sjávarútvegur og sjómennska setja ríkulega mark sitt á matarmenningu Vestfjarða.³⁰ Vinnslufyrirtækin á svæðinu taka sum hver á móti gestum sem

hafa áhuga á að kynna sér bæði veiðarnar og matvælaframleiðsluna.

Fisherman, sem er ferðapjónustufyrirtæki, fléttar á áhugaverðan hátt saman fróðleik um framleiðslu matvæla og matarupplifun með áhugaverðum hætti sem styrkir ímynd svæðisins og eflir atvinnu.³¹

Starfsemi Örnú í Bolungarvík hefur með sama hætti og sjávarútvegsfyrirtækin, styrkt ímynd svæðisins og matarmenningu, en fyrirtækið framleiðir laktósafríar mjólkurvörur.

Fyrirtækið Saltverk á Reykjanesi fléttar frásögn af sjálfbærni framleiðslu sinnar skemmtilega saman við sögu Íslands og náttúrugæði og hreinleika Vestfjarða.³² Saltframleiðsla hófst á Íslandi á seinni hluta 18. aldar þegar Danir studdu Íslendinga við að setja upp saltverksmiðjur á Íslandi. Aðferð við saltvinnsluna hefur lítið breyst til dagsins í dag og má líkja þessari vinnsluaðferð við þá sem m.a. Saltverk notast við á Reykjanesi.

²⁹ <https://www.vestfiridir.is/static/files/Frettabref/2024/frettabref-februar-2024-.pdf>

³⁰ <https://www.westfjords.is/is/gisting-veitingar/matarupplifun>

³¹ <https://www.westfjords.is/is/gisting-veitingar/matarupplifun/fisherman>

³² <https://saltverk.com/pages/story>